

Յ. Վ. ՅՈՒԶԲԱՇՅԱՆ, Ա. Ա. ՓԱՀԼԵՎԱՆՅԱՆ



ԵՐԱԺՇՏՈՒԹՅՈՒՆ



5

Վերահրատարակություն

Երաժշտական ստեղծագործությունների
համացանցային հղումներով



ԶԱՆԳԱԿ
ՀՐԱՏԱՐԱԿՉՈՒԹՅՈՒՆ

ԵՐԵՎԱՆ 2020

Երաշխավորված է ՀՀ կրթության և գիտության նախարարության կողմից

ՀՏԳ 373.167.1:78(075.3)

ԳՄԴ 85.31գ72

Յ 671

Մասնագիտական խմբագիր՝ *Յակով Իվանի Խաչիկյան*
Փիլիսոփայական գիտությունների
դոկտոր, պրոֆեսոր

Դասագրքին կից տեսաձայնային նյութերը
կարող եք գտնել շապիկին պատկերված
QR կոդի միջոցով կամ հետևյալ հղումով.

www.zangak.am/9789994119202

Դասագրքի էջերում տեղադրված QR կոդերը
համապատասխան նյութերի անմիջական
հղումներն են:

Յուզբաշյան Յ., Փահլևանյան Ա.

Յ 671 Երաժշտություն: 5-րդ դաս. դասագիրք/Յ. Յուզբաշյան,
Ա. Փահլևանյան.— Եր.: «Զանգակ» հրատ., 2020.— 96 էջ:

ՀՏԳ 373.167.1:78(075.3)

ԳՄԴ 85.31գ72

ISBN 978–99941–1–920–2

© «Զանգակ–97» ՍՊԸ, 2020

© Յուզբաշյան Յ., 2020

© Փահլևանյան Ա., 2020

© ԴՏՀՏՇՀ, 2020



Միրելի՛
5-րդ դասարանցիներ

Երաժշտության այս դասընթացը ձեր առջև կբացի արվեստի համերաշխ ընտանիքի դռները, կծանոթացնի արվեստի մի շարք տեսակների՝ երաժշտության, գրականության, պարարվեստի, կերպարվեստի, թատրոնի և կինոյի առանձնահատկություններին: Դրանցից յուրաքանչյուրին դուք արդեն առնչվել եք ուսանելու տարիներին, սովորել եք երգել, պարել, նկարել, ընթերցել եք հրաշալի գրքեր, դիտել եք հետաքրքիր ֆիլմեր ու ներկայացումներ:

Կսովորեք ճիշտ երգել ու հասկանալ երաժշտությունը, կբացահայտեք արվեստի տեսակների կապը, կգարգացնեք աշխարհը ճանաչելու, լավը, ճշմարիտն ու բարին ընկալելու և գնահատելու, գեղեցիկի օրենքներով ապրելու կարողությունները:

Կհամոզվեք, որ արվեստի տեսակները շատ ընդհանրություններ ունեն: Դրանցից մեկի իմացությունը ձեզ կօգնի ավելի խորությամբ ընկալելու մյուսները:

Բարի երթ արվեստի ուսումնասիրման ճանապարհին:



Կառլո Սարգսենի. «Ս. Սեպիլիան և հրեշտակը»

ԱՐՎԵՍՏՆԵՐԻ
ՓՈԽԿԱՊՎԱԾՈՒԹՅՈՒՆԸ
ԵՎ ՓՈԽԱԶԴԵՑՈՒԹՅՈՒՆԸ

Արվեստը մարդու ստեղծագործական գործունեության ձևերից մեկն է: Այն հնարավորություն է տալիս ավելի լավ հասկանալու կյանքը, ճանաչելու աշխարհը, զգալու և տեսնելու գեղեցիկը:

Արվեստի տեսակներից են գրականությունը, երաժշտությունը, պարարվեստը, կերպարվեստը, թատրոնը, կինոն և այլն: Դրանցից յուրաքանչյուրն ունի իր «լեզուն» և արտահայտչամիջոցները: Օրինակ՝ գրականության մեջ՝ խոսքը, ռիթմը, հնչերանգը, երաժշտության մեջ՝ ռիթմը, հնչյունների բարձրությունը, ելևէջները, պարարվեստում՝ մարմնի նրբագեղ շարժումները, կերպարվեստում՝ գիծը, գույնը, թատրոնում և կինոյում՝ խոսքը, դերասանական խաղը և այլն:

Արվեստի տեսակները, միմյանց հետ փոխհարաբերվելով և իրար լրացնելով, դառնում են ավելի գրավիչ: Դրա վառ օրինակներից են թատրոնը, օպերան, բալետը և կինոն:

Ճանապարհորդե՛ք արվեստի աշխարհում և կլցվե՛ք ուրախությամբ ու երջանկությամբ:

Ոչ մի այլ միջոց չի կարող ավելի լավ և ավելի արդյունավետ խրախուսել կրթությունը և լուսավորությունը, քան գեղեցիկ արվեստները՝ պոեզիան, երաժշտությունը և գեղանկարչությունը:

Խ. Աբովյան



Ժան-Բատիստ Օտորի.
«Զութակով նապոյունոր»



ԵՐԱԺՇՏՈՒԹՅՈՒՆԸ ԵՎ ԳՐԱԿԱՆՈՒԹՅՈՒՆԸ

Երաժշտությունն ու գրականությունը, հնագույն ժամանակներից բարեկամացած, եկել հասել են մեր օրերը: Այսօր էլ արվեստի այդ տեսակները ջերմացնում են մարդկանց սրտերը և ներգործում նրանց հոգևոր աշխարհի վրա:

Երաժշտությունն ու գրականությունն ունեն ընդհանրություններ, որոնց շնորհիվ դարձել են «ազգակիցներ»: Երկուսն էլ կարող են արտահայտվել մարդու ճայնի միջոցով, ընդհանուր են նաև ռիթմն ու հնչերանգը:

Երաժշտությունն ու գրականությունը, միմյանց լրացնելով, արտահայտում են բազմապիսի զգացմունքներ, մտքեր ու գաղափարներ, նկարագրում են մարդկային փոխհարաբերություններն ու բնության երևույթները: Երաժշտության ու գրականության միասնությունից են ծնվել երգը, ռոմանսը, օպերան, կանտատը և այլն:



Բանաստեղծը միայն մարմին է փայխ իր մկրթերին ու զգացմունքներին և իր ոգևորությունով կենդանության շունչ է փայխ բանաստեղծությանը, որ նա ապրի մշտապես, բայց որ նա թոչի, դրա համար թևեր են հարկավոր, իսկ թևեր առնել նա կարող է միմիայն էն կախարդական աշխարհքում, որ կոչվում է երաժշտություն:

Հովհաննես Թումանյան

ԵՐԳ

Երգը երաժշտության ամենամատչելի ու տարածված տեսակներից է: Այն մեղեդու միջոցով ընդգծում է գրական տեքստի արտահայտչականությունը: Գրական տեքստն իր հերթին նպաստում է մեղեդու էության դրսևորմանը: Առաջին անգամ երաժշտությանն առնչվում ենք երգի միջոցով: Դրանք օրորոցային երգերն են, որ լսում ենք մեր մայրերի շուրթերից, պարերգերը, որոնք շարժման մեջ են դնում մեր մարմինը, քայլերգերը, որոնց հնչյունների ներքո քայլում ենք:



Կոմիտաս



Սովորե՛ք «Կարավի երգը»:

Սովորե՛ք

ԿԱՔԱՎԻ ԵՐԳԸ

Խոսք՝ Հ. Թումանյանի
Երաժշտ.՝ Կոմիտասի

Աշխույժ

Ա - ըն քաց - վեց թուխ ամ - պե - ռեն,
Կու - քավ թը - ոսվ կու - նաս սու - ռեն,
Կու - նաս սու - ռեն՝ սու - թի ծե - ռեն,

Բա - րև թե - րավ ծա - ղիկ - նե - րեն:

Սի - րու - նի՛կ, սի - րու - նի՛կ,

Սի - րու - նիկ, նախ - շո՛ւն կա - քա - վիկ:

ԿԱՔԱՎԻ ԵՐԳԸ

Արև բացվեց թուխ ամպերեն,
Կաքավ թռավ կանաչ սարեն,
Կանաչ սարեն՝ սարի ծերեն,
Բարև բերավ ծաղիկներեն:

Քո բույն՝ հյուսած ծաղիկներով՝
Շուշան, նարգիզ, նունուֆարով,
Քո տեղ՝ լցված ցող ու շաղով,
Քնես-կելնես երգ ու տաղով:

Սիրունի՛կ, սիրունի՛կ,
Սիրունիկ, նախշո՛ւն կաքավիկ:

Սիրունի՛կ, սիրունի՛կ,
Սիրունիկ, նախշո՛ւն կաքավիկ:

Քո թև՝ փափուկ ու խատուտիկ,
Պատիկ կտուց, կարմիր տոտիկ,
Կարմիր-կարմիր տոտիկներով
Կշորորաս ճուտիկներով:

Սիրունի՛կ, սիրունի՛կ,
Սիրունիկ, նախշո՛ւն կաքավիկ:

Երբ ուշադիր լսում ենք երգը և ճիշտ տրամադրությամբ կատարում այն, ավելի լավ ենք հասկանում, թե ինչպես է երաժշտությունը արտահայտում բանաստեղծության բովանդակությունը, կաքավի շարժումները և այլն:

Կատարեք

«Կաքավի երգը» նախ երգե՛ք ինքներդ, այնուհետև ունկնդրե՛ք Կոմիտասի անվան լարային քառյակի կատարմամբ:



Կոմիտասի անվան լարային քառյակը (կվարտետ) հիմնադրվել է 1925 թ. Մոսկվայի կոնսերվատորիայի մի խումբ հայ ուսանողների կողմից՝ Ավետ Գաբրիելյան (1-ին ջութակ), Լևոն Օհանջանյան (2-րդ ջութակ), Միքայել Տերյան (ալտ), Սարգիս Ասլանազյան (թավջութակ):

Քառյակը համերգային շրջագայություններ է կատարել աշխարհի տարբեր երկրներում և ձեռք բերել համաշխարհային ճանաչում: Ժամանակի ընթացքում փոխվել է քառյակի կազմը, բայց խումբն այսօր էլ հիացնում է իր կատարումներով:

Լարային քառյակի համար Կոմիտասի «Կաքավի երգը» մշակել է Սարգիս Ասլանազյանը:



Սովորե՛ք

Կրկին ունկնդրեք «Կաքավի երգը» և միաժամանակ ձայնակցե՛ք:

Հնչողության փարբերություն նկարում եք երգեցողության և լարային քառյակի կապարման միջև:



Ֆելիքս Մենդելսոն
(1809–1847)

Մինչև հիմա դուք ծանոթացել եք ճայնով կատարվող երգերին: Սակայն կոմպոզիտորները երգեր են գրել նաև առանձին նվագախմբային համար: Գերմանացի կոմպոզիտոր Ֆելիքս Մենդելսոնը դաշնամուրային մանրանվագների մի ամբողջ շարք է գրել և անվանել «Երգեր առանց խոսքի»: Յուրաքանչյուր մանրանվագը մի գեղեցիկ պատկեր է: «Վենետիկի գոնդոլավարի երգը» լսելով՝ պատկերացնում ենք երիտասարդին, որը գոնդոլով՝ նավակով, ուղևորներ է տեղափոխում Վենետիկի «ջրանցք-փողոցներով» ու երգում:



*Ունկնդրե՛ք «Վենետիկի գոնդոլավարի երգը» մանրանվագը:
Պատմե՛ք ձեր փպավորությունները:*

Ունկնդրե՛ք

Ժան Բատիստ Կորո.
«Գոնդոլը Մեծ ջրանցքում»



Հարցեր և առաջադրանքներ

- ◆ Ի՞նչ ընդհանրություններ ունեն երաժշտությունն ու գրականությունը:
- ◆ Ովքե՞ր են «Կաքավի երգի» հեղինակները:
- ◆ «Կաքավի երգը» փորձե՛ք երգել նախ նոտաներով, ապա բառերով:
- ◆ Պատմե՛ք Կոմիտասի անվան լարային քառյակի մասին:
- ◆ Ի՞նչ է կոչվում Ֆ. Մենդելսոնի՝ դաշնամուրի համար գրված մանրանվագների շարքը:

Երբեմն բանաստեղծներն են իրենց ստեղծագործության համար հորինում համապատասխան մեղեդի: Դուք արդեն ծանոթ եք «Ճախարակ» երգին, որի և՛ խոսքերի, և՛ մեղեդու հեղինակը Ղազարոս Աղայանն է: Այդպիսի երգերից է նաև Հովհաննես Թումանյանի «Ա՛խ, ի՛նչ լավ են» երգը: Երգում գովերգվում են հայրենի բնությունը, ծառ ու ծաղկով զարդարված սարերի առավոտը, հովվի շվիի գերող նվագը:

Հիշեք, որ երկձայն երգեցողության ժամանակ ձայները անհրաժեշտ է սովորել առանձին-առանձին, սպա երգել միասին: Երգելիս պետք է լսել միմյանց, երկու ձայները ճիշտ երգել, որպեսզի երկձայն երգեցողությունը լինի բարեհունչ և գեղեցիկ:



Սովորեք այդ երգը և դասընկերների հետ երգեք երկձայն: Փորձեք երգել նախ նուրաներով, սպա բառերով:

Սովորեք

Ա՛Վ, Ի՛ՆՉ ԼԱՎ ԵՆ...

Խոսք և երաժշտ.՝ Հ. Թումանյանի

Հանդարտ

Ա՛խ, ի՛նչ լավ են սարի վրա
 Անցնում օրերն անո՛ւշ, անո՛ւշ,
 Անրջայի՛ն, թեթևասա՛հ
 Անպ ու հովերն անո՛ւշ, անո՛ւշ:

ա - րի վր - րա
 ա - նո՛ւշ, ա - նո՛ւշ, Ա - նր-ջա - յին,
 թե - թե - վա - սա՛հ, Անպ ու հո - վերն
 ա - նո՛ւշ, ա - նո՛ւշ:

Ա՛խ, ի՛նչ լավ են սարի վրա
 Անցնում օրերն անո՛ւշ, անո՛ւշ,
 Անրջայի՛ն, թեթևասա՛հ
 Անպ ու հովերն անո՛ւշ, անո՛ւշ:

Ահա բացվեց թարմ առավոտ,
 Վարդ է թափում սարին, քարին,
 Շաղ են շողում ծաղիկ ու խոտ,
 Շնչում բուրմունք եղենային:

Ա՛խ, ի՛նչ հեշտ են սարի վրա
 Սահում ժամերն անո՛ւշ, անո՛ւշ,
 Շվին փչեց հովիվն ահա —
 Աղջիկն ու սերն անո՛ւշ, անո՛ւշ:

Բանաստեղծության մեջ երաժշտություն լսելու համար պետք է ուշադիր կարդալ, ներթափանցել բովանդակության մեջ, զգալ ռիթմը և հնչերանգը: Հնարավոր է, որ այդպիսի ընթերցանության ժամանակ ձեր ներսում հնչի համապատասխան մեղեդին:

Կատարեք

Փորձեք հորինել բանաստեղծություն և դրան համապատասխան մեղեդի:



Սովորեք

Ունկնդրեք «Հովվի կանչը» հայկական ժողովրդական մեղեդին շվի նվագարանի կադարամբ:

Ինչ պատմվածք, հեքիաթ կամ բանաստեղծություն եք հիշում «Հովվի կանչը» մեղեդին լսելիս:

*Փանոս Թերլեմեզյան.
«Աշունը Երևանում»*



ԱՇՈՒՂԱԿԱՆ ԵՐԳ

Աշուղական երգը հայ երաժշտական արվեստի ճյուղերից է, որի ամենամեծ ներկայացուցիչներից է Սայաթ-Նովան:

ՍԱՅԱԹ-ՆՈՎԱ (1722–1795)



Սայաթ-Նովա

Հայ բանաստեղծ, երգիչ, երաժիշտ, աշուղ Սայաթ-Նովան ծնվել է Թիֆլիսում: Ծնողներից լսելով հայկական երգեր՝ նա սիրել է հայրենի երգը, և նրա մեջ հետաքրքրություն է առաջացել երաժշտության հանդեպ:

Խորապես տիրապետելով աշուղական արվեստին՝ նա բազմիցս մրցել և հաղթել է ժամանակի անվանի աշուղներին:

Սայաթ-Նովան իր երգերում փառաբանել է սերը, արդարությունը, ազնվությունը, դատապարտել կեղծիքն ու ստորությունը:

Աշուղ Սայաթ-Նովան իր երգերի թե՛ խոսքի, թե՛ երաժշտության հեղինակն է և լավագույն կատարողը: Ունեցել է գեղեցիկ ձայն. և՛ երգել է, և՛ քամանչայով նվագակցել:

Նա իր երգերից մեկը նվիրել է քամանչային՝ գովերգելով սիրելի նվագարանը: Սայաթ-Նովան ապրել է Թիֆլիսում և ստեղծագործել տեղի բարբառով:

Կոմպոզիտոր Ալեքսանդր Հարությունյանը, ոգեշնչվելով աշուղի երգարվեստով, գրել է «Սայաթ-Նովա» օպերան:



Ունկնդրե՛ք «Քամանչա» երգը, սպա՛ծայնակցե՛ք:

Ունկնդրե՛ք



Սայաթ-Նովայի քամանչան

ՔԱՄԱՆՉԱ

Ամէն սագի մէջըն գոված,
 դուն թամամ տասն իս, քամանչա՛,
 Նաքազ մարթ քիզ չի կանա տեսնի՛
 դուն նըրա պասն իս, քամանչա՛,
 Ղա՛ստ արա՛ էլ լավ օրերու
 էդիվըն հասնիս, քամանչա՛,
 Քիզ ինձնից ո՛վ կանա խըլի՛
 աշուղի բասն իս, քամանչա՛:

Անգաճըտ էրծաթեն պիտի,
 գըլուխըտ ջավահիր քարած,
 Կութըտ շիրմայեմեն պիտի,
 փուրըտ սադափով նախշ արած,
 Սիմըտ օսկեն քաշած պիտի,
 էրկաթըտ փանջարա արած,
 Օջով դիմեթըտ չի՛ գիտի,
 լալ ու ալմասն իս, քամանչա՛:



թամամ — ամբողջ
 թամամ տասն իս — տասից
 պակաս չես
 նաքազ — ստոր
 քիզ — քեզ
 պասն իս — արգելքն ես
 դասր անել — ձգրել
 էդիվըն — հետևից
 բաս — գրույց, խոսք
 անգաճըտ — անկանջո
 շիրմայեմեն — փղոսկրյա

սիմ — նվագարանի լար
 փանջարա — պարուհան
 դիմեթ — գին, արժեք
 լալ — թանկարժեք քար
 ջավահիր քարած —
 թանկարժեք քարերով
 պարած
 կութըտ — կոթոյ
 օջով — ոչ ոք
 փուրըտ — փորոյ
 կանա — կարող է

Հարցեր և առաջադրանքներ

- ◆ Ո՛վ է «Ա՛խ, ի՛նչ լավ են...» երգի խոսքի և երաժշտության հեղինակը:
- ◆ Ձեզ դո՞ւր եկավ «Ա՛խ, ի՛նչ լավ են...» երգը: Ինչո՞ւ:
- ◆ Ասացե՛ք երկձայն երգեցողության կանոնները:
- ◆ Շվի և քամանչա նվագարաններից որի՞ կատարումն է ձեզ ավելի սրտամոտ:
 Դուք ի՞նչ նվագարան կցանկանայիք նվագել:
- ◆ Ո՛վ է Սայաթ-Նովան, նրա երգերից ո՞րը գիտեք:
- ◆ Փորձե՛ք հորինել բնութայունը գովերգող երգ:

ՌՈՄԱՆՍ

Երաժշտության և գրականության միասնության արդյունք է նաև ռոմանսը:

Ռոմանսը երգ է, որտեղ ավելի խորն են արտահայտվում մարդկային հոգեվիճակը, զգացմունքներն ու հույզերը:

Ռոմանսը պարտադիր ունենում է նվագակցություն, իսկ երգը կամ խմբերգը կարող են կատարվել նաև ակապելլա (a capella), այսինքն՝ առանց նվագակցության:

Ռոմանսը ծագել է XVIII դարում Իսպանիայում և այդպես է կոչվել, որովհետև երգվել է իսպաներեն (ռոմաներեն), այլ ոչ թե լատիներեն, որով երգվում էին հոգևոր երգերը: Հայաստանում ռոմանսներ են գրել շատ կոմպոզիտորներ, սակայն հայկական ռոմանսի հիմնադիրը Ռոմանոս Մելիքյանն է:



Ունկնդրե՛ք

Ունկնդրե՛ք Ռոմանոս Մելիքյանի «Վարդը» ռոմանսը: Տեքստի հեղինակը գերմանացի մեծ բանաստեղծ Գյոթեն է: «Վարդը» բանաստեղծությունը գերմաներենից թարգմանել է Հովհաննես Թումանյանը:

ՎԱՐԴԸ

Փոքրիկ տղան մի վարդ տեսավ,
Տեսավ մի վարդ դաշտի միջին,
Վարդը տեսավ, ուրախացավ,
Մոտիկ վազեց սիրուն վարդին,
Սիրուն վարդին, կարմիր վարդին,
Կարմիր վարդը դաշտի միջին:

Տղան ասավ. «Քեզ կպոկեմ,
Ա՛յ կարմիր վարդ դաշտի միջին»:
Վարդն ասավ. «Տե՛ս, կծակեմ,



Որ չմոռնաս փշոտ վարդին,
Փշոտ վարդին, կարմիր վարդին,
Կարմիր վարդը դաշտի միջին»:

Ու անհամբեր տղան պոկեց,
Պոկեց վարդը դաշտի միջին,
Փուշը նրա ձեռքը ծակեց,
Բայց էլ չօգնեց քնքուշ վարդին,
Քնքուշ վարդին, կարմիր վարդին,
Կարմիր վարդը դաշտի միջին:

ՌՈՄԱՆՈՍ ՄԵԼԻՔՅԱՆ (1883–1935)



Ռոմանոս Մելիքյան

Ռոմանոս Մելիքյանը ծնվել է 1883 թ. Հյուսիսային Կովկասի Ղզլար քաղաքում: 1902 թ. ավարտելով թեմական դպրոցը՝ ընդունվել է Ռոստովի երաժշտական ուսումնարանը: Այնուհետև ուսումը շարունակել է Մոսկվայի կոնսերվատորիայում, ապա տեղափոխվել է Թբիլիսի և զբաղվել երաժշտամանկավարժական գործունեությամբ:

Նա գրել է «Աշնան տողեր», «Զմրուխտի» ռոմանսների և «Զառ-վառ» երգերի շարքերը: Դրանց մեղեդիներն ազգային են, ունեն յուրահատուկ հնչերանգ, ռիթմ, հարուստ, արտահայտիչ նվագակցություն:

Ռոմանոս Մելիքյանը գրել է նաև մանկական, պատանեկան և զինվորական շատ երգեր:



Ունկնդրեք

Ունկնդրեք, ապա սովորեք Ռոմանոս Մելիքյանի «Առուն և աղբյուրը» երգ-ռոմանսը:

ԱՌՈՒՆ ԵՎ ԱՂԲՅՈՒՐԸ

*Խոսք՝ ժողովրդական
Երաժշտ.՝ Ռ. Մելիքյանի*

Առու — Հե՛յ, աղբյուրի գուլա՛լ ջրեր,
Ես էլ լի՛նեմ ձեզ հետ ընկեր:
Տեսե՛ք՝ ձեզ հետ Ծաղկաճորում
Ինչպես եմ ես ուրախ պարում:

Աղբյուր — Ջուրի՛կ, ջուրի՛կ, անո՛ւշ քույրիկ,
Ընկերդ եմ ես, սիրում եմ քեզ,
Իրար գրկած՝ սարի լանջով
Իջնենք գևանք Ծաղկունաց ծով:

Այս երգ-ռոմանսը հարուստ է երաժշտական պատկերներով: Բովանդակությունը առվի և աղբյուրի երկխոսությունն է:

«Առուն և աղբյուրը» ռոմանսը պարային բնույթ ունի, հարազատ է հայկական ժողովրդական երգին:

Կատարեք

Աշխատե՛ք ձեր երգեցողությանը արտահայտել երգ-ռոմանսի տրամադրությունը: Բովանդակությանը և մեղեդու բնույթին համապատասխան՝ կատարե՛ք պարային շարժումներ:

Կոմպոզիտորները ռոմանսներ են գրել նաև առանձին նվագարանների կամ նվագախմբերի համար: Չնայած այդ ստեղծագործությունները առանց խոսքի են, այնուամենայնիվ, բնույթով երգային են և կոչվում են **ռոմանս**:

ԱՌՈՒՆ ԵՎ ԱՂԲՅՈՒՐԸ

Խոսք՝ ժողովրդական
Երաժշտ.՝ Ռ. Մելիքյանի

Չափավոր, աշխույժ

Հն՛յ, աղ - բյու - ռի զու - լա՛լ ջը - ռեր,
Ես էլ լի - նեմ՛ ձեզ հետք ըն - կեր:
Տե - սե՛ք՝ ձեզ հետք Ծաղ - կա - ձո - թում
Ինչ - պես եմ ես ու - թախ պա - թում:



Ունկներք

Ունկներք ռուս կոմպոզիտոր Գեորգի Սվիրիդովի «Ռոմանսը» և հայերենք ձեր կարծիքը:

Նվագարանային կատարման մեջ մարդկային ճայնի ջերմությանը փոխարինում են նվագարանի գեղեցիկ տեմբրը և արտահայտիչ կատարումը:

Հարցեր և առաջադրանքներ

- ◆ Երաժշտության ի՞նչ տեսակներ են ստեղծվում գրականության և երաժշտության միասնությունից:
- ◆ Ի՞նչ է ռոմանսը:
- ◆ Ո՞վ է հայկական ռոմանսի հիմնադիրը:
- ◆ Ի՞նչ ռոմանսներ եք լսել: Փորձե՛ք երգել որևէ ռոմանս:
- ◆ Ռ. Մելիքյանի ո՞ր ռոմանսներն ու երգերը գիտեք:
- ◆ Ունկներք երգչային և նվագարանային ռոմանսներ: Նկատեցի՞ք որևէ տարբերություն:

ԿԱՆՏԱՏ

Կանտատը իտալերեն բառ է, նշանակում է երգել: Կանտատի երաժշտությունը նույնպես գրվում է գրական տեքստի հիման վրա:

Կանտատը բազմամաս խմբերգային ստեղծագործություն է: 4-րդ դասարանում Ա. Հարությունյանի «Հայրենիք» կանտատից լսել եք «Օրորոցայինը»: Այժմ կսովորեք այդ երգը և կլսեք մի հատված կանտատի 1-ին մասից:

«Հայրենիք» կանտատն ունի հինգ մաս, գրված է երգչախմբի, մեներգիչների և սիմֆոնիկ նվագախմբի համար: Գովերգում է հայրենի բնության գեղեցկությունը:

«Օրորոցայինը» կանտատի չորրորդ մասն է: Այն ծավալուն երգ-ոտնանս է՝ քնարական երաժշտությամբ: Արտահայտում է մոր անսահման սերն իր մանկիկի հանդեպ: Ստեղծագործությունը կատարում է իգական թավ ձայնը, որն անվանում են *մեցցո սոպրանո* կամ *այլ*:



Ունկնդրեք

Ունկնդրեք հապված «Հայրենիք» կանտատի 1-ին մասից, որպեսզի շեփորները արձագանքելով սրեղծում են հայրենիքը փառաբանող տրամադրություն:

Խմբերգի երաժշտությունը և տեքստը, որպես մի ամբողջություն, ունկնդրողի մեջ սիրո և հարգանքի զգացում են առաջացնում հայրենիքի, հայ ժողովրդի և նրա մշակույթի հանդեպ:



Ունկնդրեք

Ունկնդրեք «Օրորոցային» երգ-ոտնանսը «Հայրենիք» կանտատից:



Սովորեք

ՕՐՈՐՈՑԱՅԻՆ

Խոսք՝ Սարսենի, Ա. Գրաշու
Երաժշտ.՝ Ա. Հարությունյանի

Աշակերտ Գանդաղ, հանգիստ

p

Նըն ջի՛ր, նըն - ջի՛ր, իմ լո՛յս ման - կիկ, Օ - րոր
 Նըն-ջի՛ր ան - հոգ, իմ լո՛յս ման - կիկ, Գի-շեր
 եմ ա - սում, Դու նոր բաց - ված սա - ռի՛
 է դր - սում, Աստղերն ինձ հետ քեզ, ա -
 ծա - դիկ, Հոգ - յա՛կ սի - բա - սում:
 նու - ջի՛կ, Օ - րոր են ա - սում:

Վերջ



Արա Բաղդասարյան.
«Օրորոցային»

Նսջի՛ր, նսջի՛ր, իմ լո՛յս մանկիկ,
 Օրոր եմ ասում,
 Դու նոր բացված սարի՛ ծաղիկ,
 Հոգյա՛կ սիրասուն:
 Նսջի՛ր անհոգ, իմ լո՛յս մանկիկ,
 Գիշեր է դրսում,
 Աստղերն ինձ հետ քեզ, անուշիկ,
 Օրոր են ասում:

Հարցեր և առաջադրանքներ

- ◆ Ի՞նչ է նշանակում կանտատ:
- ◆ Քանի՞ մասից է բաղկացած «Հայրենիք» կանտատը:
- ◆ Ի՞նչ տրամադրություն է արտահայտում «Հայրենիք» կանտատը:
- ◆ Պարային շարժումներով արտահայտե՛ք հնչող երաժշտության տրամադրու-
թյունը:
- ◆ Փորձե՛ք հորինել երգ՝ նվիրված հայրենիքին:

ՕՊԵՐԱ

Օպերա բառն իտալերեն է և նշանակում է ստեղծագործություն, երկ, աշխատանք:

Օպերան երաժշտական թատերական ներկայացում է, որտեղ գրականությունը, երաժշտությունը, պարը, թատրոնը և կերպարվեստը (դեկորներ, զգեստներ) հանդես են գալիս միասին՝ լրացնելով միմյանց:

Օպերան ունենում է մեկ կամ մի քանի գործողություն: Սկսվում է նախերգանքով, որն իտալերեն կոչվում է *ուվերտյուր*, այսինքն՝ սկիզբ, բացում:

Օպերան ծնունդ է առել XVII դարում Իտալիայում, որը հայտնի էր երգ ու նվագով համենված ժողովրդական թատերական ներկայացումներով:

Օպերայի գրական տեքստը՝ լիբրետոն, ստեղծում է գրողը կամ կոմպոզիտորը: Նավերամշակում է որևէ գրական ստեղծագործություն և հարմարեցնում օպերայի կառուցվածքի ու երաժշտության պահանջներին:

Օպերայի հերոսների դերում հանդես են գալիս մենակատար երգիչներ ու երգչուհիներ: Մեծ դեր ունեն երգչախումբն ու նվագախումբը: Կատարումը ղեկավարում է *դիրիժորը*: Հերոսներին բնութագրելու համար կոմպոզիտորը հորինում է երգեր, որոնք կոչվում են *արիա*, *արիոզո*, *արիետրա* և այլն: Եթե երկու հերոս երգում են միասին կամ մեկընդմեջ, երգը կոչվում է *դուետ* (զուգերգ):

Երգչախմբի օգնությամբ կոմպոզիտորը կարողանում է պատկերել ժողովրդական կյանքի տեսարաններ, արտահայտել մարդկանց վերաբերմունքը կատարվող իրադարձությունների հանդեպ: Նվագախումբը նվագակցում է մեներգիչներին և երգչախմբին, նպաստում օպերայի գործողությունների զարգացմանը:

ՏԻԳՐԱՆ ՉՈՒԽԱՃՅԱՆ (1837–1898)



Տիգրան Չուխաճյան

Տիգրան Չուխաճյանը ծնվել է 1837 թ. Թուրքիայի Կոստանդնուպոլիս (այժմ՝ Ստամբուլ) քաղաքում: Սովորել է իտալացի դաշնակահար Մանձոնիի և հայտնի երաժիշտ Գարրիել Երանյանի մոտ:

1862 թ. մեկնել է Իտալիա և սովորել Միլանի կոնսերվատորիայում: Ծանոթացել է եվրոպական դասական երաժշտությանը՝ մեծ հետաքրքրություն ցուցաբերելով օպերային արվեստի, մասնավորապես՝ իտալացի հանճարեղ կոմպոզիտոր Ջուզեպպե Վերդիի օպերաների նկատմամբ:

Տ. Չուխաճյանի գրչին են պատկանում «Արշակ Երկրորդ», «Զեմիրե», «Ինդիանա» օպերաները, «Լերլերիջի», «Քյոսե-Քեհյա», «Արիֆի խարդախությունը» երաժշտական կատակերգությունները, երգեր, ռոմանսներ, դաշնամուրային ստեղծագործություններ:

«Արշակ Երկրորդ» հայկական առաջին օպերան է, որը Տ. Չուխաճյանը ստեղծել է 1868 թվականին:



Տեսարան Տիգրան Չուխաճյանի
«Արշակ Երկրորդ» օպերայից

«Արշակ Երկրորդ» օպերայի առաջին բեմադրությունը կայացել է 1945 թ. Երևանում՝ Ա. Սպենդիարյանի անվան օպերայի և բալետի թատրոնում: Օպերայի սյուժեն IV դարում Հայաստանում կատարված պատմական դեպքերն են:



«Արշակ Երկրորդ» օպերայից ունկնդրեք Արշակի արիոզոն ու խմբերգը և պատմեք ձեր տպավորությունները:

Ունկնդրեք



*«Արշակ Երկրորդ».
Օլինյիս — Գոհար Գասպարյան,
Արշակ — Միհրան Երկար*



Սովորե՛ք

Սովորե՛ք Տիգրան Չուխաճյանի «Ազատություն» երգը: Այս երգի բառերը գրել է բանաստեղծ Միքայել Նալբանդյանը:

ԱԶԱՏՈՒԹՅՈՒՆ



*Միքայել Նալբանդյան
Քանդակագործ՝ Ն. Նիկողոսյան*

Ազատ աստվածն այն օրից,
Երբ հաճեցավ շունչ փչել,
Իմ հողանյութ շինվածքին
Կենդանություն պարզել,
Ես՝ անբարբառ մի մանուկ,
Երկու ձեռքս պարզեցի
Եվ իմ անզոր թևերով
Ազատությունն գրկեցի:

Մինչ գիշերը անհանգիստ,
Օրորոցում կապկապած՝
Լալիս էի անդադար՝
Մորս քունը խանգարած,
Խնդրում էի նորանից
Բազուկներս արձակել,
Ես այն օրից ուխտեցի
Ազատությունը սիրել:

— Ազատություն,— գոչեցի,—
Թող որոտա իմ գլխին
Փայլակ, կայծակ, հուր, երկաթ,
Թող դավ դնե թշնամին,
Ես մինչ ի մահ, կախաղան,
Մինչև անարգ մահու սյուն
Պիտի գոռամ, պիտ կրկնեմ
Անդադար՝ ազատություն:

Կատարե՛ք

Երգի միաձայն մասը կատարում է մեներգիչը, իսկ երկձայնը՝ խումբը: Դասարանը բաժանե՛ք երկու խմբի. առաջին ձայնը երգում է մի խումբը, իսկ երկրորդ ձայնը՝ մյուս խումբը:

ԱԶԱՏՈՒԹՅՈՒՆ

Խոսք՝ Մ. Նալբանդյանի
Երաժշտ.՝ Տ. Չուխաճյանի

Չափավոր

Ա - զար սար - վաճն սյն օ - ռից,
Երբ հս - ձե-ցալ շունչ փր - չե՛, Իմ հո - դա-նյութ
շին - ված - քին Կեն - դա - նու-թյուն պար - զե - վել,
Ես՝ սն-բար-բառ մի մա - նուկ, Եր - կու ձեռ - քրս պար-զե - ցի
Եվ իմ սն - գոր թե - վե - բով Ա - զա - րու-թյունն գրը - կե - ցի:

Հարցեր և առաջադրանքներ

- ◆ Արվեստի ո՞ր տեսակների միասնությունն է օպերան:
- ◆ Ե՞րբ և որտե՞ղ է ծնունդ առել օպերան:
- ◆ Ի՞նչ գիտեք օպերայի մասին: Թվարկե՛ք ձեզ ծանոթ օպերաները:
- ◆ Ո՞վ է հայկական առաջին օպերայի հեղինակը: Ե՞րբ է ստեղծվել այդ օպերան և ինչպե՞ս է կոչվում:
- ◆ Ի՞նչ օպերաներ է գրել Տիգրան Չուխաճյանը:
- ◆ Ովքե՞ր են «Ազատություն» երգի հեղինակները:

ԱՐՄԵՆ ՏԻԳՐԱՆՅԱՆ (1879–1950)



Արմեն Տիգրանյան

Կոմպոզիտոր Արմեն Տիգրանյանը ծնվել է Ալեքսանդրապոլում (այժմ՝ Գյումրի):

1902 թ. Ա. Տիգրանյանն ավարտել է Թբիլիսիի երաժշտական ուսումնարանը: Ուսանել է կոմպոզիտոր Մակար Եկնալյանի մոտ: Նա բազմաթիվ երգերի, խմբերգերի, կանտատների, դաշնամուրային ստեղծագործությունների, օպերաների հեղինակ է:

1908 թ. ընթերցելով Հ. Թումանյանի «Անուշ» պոեմը՝ Արմեն Տիգրանյանը գրել է համանուն օպերան, որն ավարտել է 1912 թ.:

«Անուշ» օպերան կոմպոզիտորի ղեկավարությամբ 1912 թ. Գյումրիում բեմադրվել է սիրողական խմբի երաժիշտների կատարմամբ: Իսկ 1935 թ. «Անուշը» առաջին անգամ բեմադրվել է Ալեքսանդր Սպենդիարյանի անվան օպերայի և բալետի թատրոնում և անմիջապես արժանացել համաժողովրդական մեծ սիրո:

Բովանդակության հիմքում Անուշի և Սարոյի դժբախտ սիրո պատմությունն է: Գյուղական հարսանիքի ժամանակ հավաքվածների խնդրանքով մանկության ընկերներ Սարոն և Մոսին կոխի են բռնվում: Սարոն, Անուշի ներկայությունից ոգևորված, մոռանում է ավանդույթով սահմանված կարգը և գետին է տապալում ընկերոջը: Մտերիմ ընկերները թշնամանում են: Մոսին երդվում է սպանել Սարոյին և կատարում է երդումը: Սարոյի սգավոր մայրը ողբում է որդու մահը, իսկ նրա սիրած աղջիկը վշտաբեկ, խելակորույս Անուշը, բարձր ժայռից իրեն նետում է Դեբեդ գետը:

Ա. Տիգրանյանը ոչ միայն հարազատ է մնացել պոեմի բովանդակությանը, այլև արտահայտել է բազմապիսի հույզեր ու տրամադրություններ: Նա ստեղծել է գյուղական

կյանքի աննոռանալի պատկերներ՝ Համբարձման տոնի վիճակահանություն, հարսանիք և այլն: Օպերայի մեղեդիներն այնքան գեղեցիկ են ու անկեղծ, որ անմիջապես ընկալվում են և չեն մոռացվում: Շատերին թվում է, թե «Անուշ» օպերայի հիմքում ժողովրդական մեղեդիներն են: Մինչդեռ Արմեն Տիգրանյանն այս օպերայում ոչ մի ժողովրդական երգ չի օգտագործել, այլ մեղեդիները ստեղծել է ժողովրդական երգի ոգով: Մեղեդու միջոցով նա լիովին արտահայտել է թումանյանական խոսքի համն ու հոտը, հնչերանգն ու իմաստը:

Օպերայի սիրված երգերից են «Ամպի տակից», «Համբարձում յայլա» խմբերգերը, Անուշի «Ասում են՝ ուռին...» և Սարոյի «Բարձր սարեր...» երգերը:



Ունկնդրեք

Ունկնդրեք հարվածներ «Անուշ» օպերայից, «Ամպի տակից», «Համբարձում յայլա» և «Նախերգանք» խմբերգերը:

*Տեսարան «Անուշ» օպերայից.
Անուշ — Գոհար Գասպարյան*





Սովորենք

Սովորենք «Անպի Տակից» երգը «Անուշ» օպերայից, երգենք արտահայտիչ ձայնով, համապատասխան փրամադրությամբ:

ԱՄՊԻ ՏԱԿԻՑ...

Անպի տակից ջուր է գալի,
Դոշ է տալի, փրփրում,
Էն ո՞ւմ յարն է նստած լալի
Հոնգուր-հոնգուր էն սարում:

Այ պաղ ջրեր, գուլա՛լ ջրեր,
Որ գալիս եք սարերից,
Գալիս անցնում հանդ ու չոլեր,
Յարս էլ խմե՛ց էդ ջրից:

Յարաբ խմեց, յարաբ հովցավ
Էրված սիրտը իմ յարի,
Յարաբ հովցավ, յարաբ անցավ
Այրող ցավը ջիգյարի:

Չափավոր
p

Ան - պի տա - կից ջուր է գալ³ - լի,
Դոշ է տա³ - լի, փրփ - րում Էն ո՞ւմ յարն է
նս - տած լա - լի Հոն-գուր-հոն-գուր Էն սա - րում:

Կատարենք

Երգենք ռիթմական նվագակցությամբ ու պարենք:



Արմեն Տիգրանյան. «Անուշ»



Սովորեք

ՀԱՄԲԱՐՁՈՒՄ ՅԱՅԼԱ

Համբարձումն եկավ, ծաղկունքը ավվան
Զուգել են հանդեր նախշուն գորգերով,
Զուգել են հանդեր նախշուն գորգերով:

Կրկներգ

Համբարձում յայլա, յայլա՛ ջան, յայլա՛,
Լավ օրեր յայլա, յայլա՛ ջան, յայլա՛:

Փունջ–փունջ աղջիկներ սարերը ելան՝
Վիճակ հանելու աշխույժ երգերով,
Վիճակ հանելու աշխույժ երգերով:

Կրկներգ

Համբարձում յայլա,

Երգ ու բույր խառնած, թև թևի տված,
Զուգել են հանդեր, ծաղիկ են քաղում,
Ծաղկի հետ խաղում, ինչպես թիթեռներ:

Կրկներգ

Համբարձում յայլա,

ՀԱՄԲԱՐՁՈՒՄ ՅԱՅԼԱ

Արագ

Համ - բար - ձումն և - կալ, ծաղ - կուն բրն ալ - փան,
 Փունջ - փունջ աղ - ջիկ - ներ, սա - ռե - թը ե - լան

Ձու - գեյ են հան - դեր նախ - շուն գոր - գե - թով,
 Վի - ճակ հա - նե - լու աշ - խոյժ նր - գե - թով:

Համ - բար - ձում յայ - լա, յայ - լա՛ ջան, յայ - լա՛,

Լալ օ - ռեր յայ - լա, յայ - լա՛ ջան, յայ - լա՛:

Կոմպոզիտորը, ներթափանցելով տեքստի բովանդակության մեջ, ստեղծել է գեղեցիկ, կոռ խմբերգ: «Համբարձում յայլան» պարերգ է:



Կատարեք

Սրտեղծեք ռիթմական նվագակցություն, նվագակցեք խմբերգին ու հնչող երաժշտությանը և պարեք:

Հարցեր և առաջադրանքներ

- ◆ Ի՞նչ է լիրեատոն, ո՞վ է ստեղծում այն:
- ◆ Ի՞նչ դեր է կատարում սիմֆոնիկ նվագախումբն օպերայում:
- ◆ Ո՞ր օպերաներն եք լսել:
- ◆ Ի՞նչ երգեր գիտեք օպերաներից: Երգե՛ք այդ երգերը:
- ◆ Այցելե՛ք Ալեքսանդր Սպենդիարյանի անվան օպերայի և բալետի թատրոն, լսե՛ք «Անուշ» և «Արշակ Երկրորդ» օպերաները:

ՎՈՒՖԳԱՆԳ ԱՄԱԴԵՈՒՍ ՄՈՅԱՐՏ (1756–1791)

Ավստրիացի հանճարեղ կոմպոզիտոր Մոցարտը ծնվել է 1756 թ. Զալցբուրգ քաղաքում: Վաղ մանկությունից նա ցուցաբերել է արտակարգ երաժշտական ընդունակություններ: Երեք տարեկանում արագորեն ըմբռնում էր ու վերարտադրում լսած երաժշտությունը: Նվագել է կլավեսին (դաշնամուրի նախատիպը), երգեհոն և ջութակ:

Մոցարտի տաղանդի վերաբերյալ բազմաթիվ հետաքրքիր պատմություններ կան: Մի օր հայրը, ընկերոջ հետ գալով տուն, չորսամյա որդուն տեսնում է սեղանի մոտ նոտաներ գրելիս: Հոր հարցին Մոցարտը պատասխանում է. «Կոնցերտ եմ գրում կլավեսինի համար»: Հայրը կարծում է, թե դա մանկական խաղ է, սակայն ուշադիր նայելուց հետո ուրախացած դիմում է ընկերոջը.

— Տեսնո՞ւմ եք, թե որքան ճիշտ է մտածված ու շարադրված այս երաժշտությունը:

Իսկ կլավեսինի համար Մոցարտի գրած առաջին կոնցերտն էր:

Հայրը Վուլֆգանգին և դստերը, ով լավ դաշնակահարուհի էր, հաճախ շրջագայությունների էր տանում Գերմանիա, Շվեյցարիա, Հոլանդիա, Ֆրանսիա, Իտալիա, որտեղ նրանց դիմավորում էին ցնծությամբ: Վուլֆգանգին անվանում էին XVIII դարի հրաշամանուկ:

Մոցարտը արտակարգ լսողություն և հիշողություն ուներ: Մի անգամ եկեղեցում լսելով երգչախմբային մի բարդ ստեղծագործություն՝ վերադարձել է տուն և հիշողությամբ գրի առել:

Տասը տարեկանում Մոցարտը գրել է իր առաջին օպերան՝ «Ապոլոնը և Հիացինտը»: Տասնչորս տարեկանում քննություն է հանձ-



*Վուլֆգանգ Ամադեուս
Մոցարտ*



Կարմնուրել.
«Լեոպոլդ Մոցարտը իր
երեխաների՝ Վոլֆգանգի
և Մարիա Աննայի հետ»

նել և ընդունվել երաժշտական ակադեմիա, որտեղ կարող էին անդամագրվել միայն ճանաչված կոմպոզիտորները:

Մոցարտը ստեղծագործել է երաժշտական տարբեր ժանրերով՝ մանկական երգերից մինչև մեծածավալ սիմֆոնիաներ ու օպերաներ:

Նրա մանկական երգերից են «Օրորոցի երգը», «Գարնան կարոտը» և այլն: Գրել է ստեղծագործություններ տարբեր նվագարանների համար, կոնցերտներ, սոնատներ, մենուետներ, պիեսներ, սիմֆոնիաներ և բազմաթիվ օպերաներ: Մոցարտի լավագույն օպերաներից են «Ֆիգարոյի ամուսնությունը», «Դոն ժուանը», «Կախարդական սրինգը» և այլն:

Մոցարտի կյանքի վերջին շրջանի նշանավոր ստեղծագործություններից է «Ռեքվիեմը», որը սգո ձոն է: Այն համաշխարհային երաժշտական գրականության գլուխգործոցներից է:

Ոնկնորեք

Ծանոթացե՛ք Մոցարտի «Կախարդական սրինգ» օպերային, որը հեքիաթային բովանդակություն ունի:



«Կախարդական սրինգ».
բեմական ձևավորում

«Կախարդական սրինգ» օպերայի գլխավոր հերոսը արքայազն Տամինոն է: Նա, հաղթահարելով բազմաթիվ փորձություններ,

գտնում է իր սիրուն՝ Գիշերվա թագուհու դուստր Տամինային: Վտանգներով լի ճանապարհին նրան օգնում է թագուհու նվիրած կախարդական սրինգը: Տամինայի կողքին է նաև թռչնորս Պապագենոն, որը նույնպես գտնում է իր ընկերուհուն՝ Պապագենային: Պապագենայի կախարդական օգնականները զանգակներն են, որոնք միշտ փրկում են հերոսներին:

Չարի ու բարու պայքարն ավարտվում է բարու և լույսի հաղթանակով:



Ունկնդրե՛ք հապրված «Կախարդական սրինգ» օպերայի նախերգանքից և Պապագենայի երգը:

Ունկնդրե՛ք



Սովորե՛ք Մոցարտի «Գարնան կարոտ» երգը:

Սովորե՛ք

ԳԱՐՆԱՆ ԿԱՐՈՏ

Արի՛, մայի՛ս, արի՛, թող պուրակը կանաչի,
 Առվի խոխոջի տակ մանուշակը բողբոջի,
 Ես ի՛նչ սիրով կուզեի կապույտ մանուշակ քաղել
 Եվ ինչպիսի՛ զնայանքով մարգերի մեջ զբոսնել:

Ա՛խ, թե պուրակները նորից նոր ծաղկեն կրկին...
 Ե՛կ, սիրելի՛ մայիս, կանչում ենք քեզ խնդագին:
 Արևը թող ժպտա մեզ, մանուշակը ծաղկի,
 Կկուն նորից կուկու կանչի, սոխակն էլ
 թող երգի:

Հարցեր և առաջադրանքներ

- ◆ Ովքե՞ր են «Կախարդական սրինգ» օպերայի գլխավոր հերոսները:
- ◆ Մոցարտի ո՞ր ստեղծագործություններն եք լսել:
- ◆ Ի՞նչ բովանդակություն և բնույթ ունի «Կախարդական սրինգը»:
- ◆ Պատմե՛ք Մոցարտի մասին:

ԹԵՄԱՅԻ ԱՄՓՈՓՈՒՄ

Դուք ինչպե՞ս, որ երաժշտությունը և գրականությունը իրար հետ կապված են բազմաթիվ թելերով: Նրանց համար ընդհանուր են ռիթմը և հնչերանգը (ինտոնացիան): Երբ գրականությունն ու երաժշտությունը հանդես են գալիս միասին, ավելի ուժեղ են ներգործում մարդու վրա:

Արվեստի այդ երկու տեսակների միասնության արդյունքում ծնվել են երգը, ռոմանսը, կանտատը, օպերան և այլն:



**Կոստե՛ր՝
նվքեր են...**





Երաժշտությունը և պարը միշտ ուղեկցել են մարդկանց: Այսօր էլ արվեստի այդ տեսակներն անբաժան են մեզանից:

Դրանք օգնում են լիարժեք արտահայտելու մեր զգացմունքներն ու հույզերը:

Կոմիտասի խոսքերով՝ երգն ու պարը կանոնավորում են մեր զգացմունքները, հոգևոր աշխարհը, օգնում մեր մեջ և շրջապատում տեսնելու և զգալու գեղեցիկը:



Սովորե՛ք կոմպոզիտոր Ռոմանոս Մելիքյանի «Պասկ-պասկ» երգ-պարը:

Սովորե՛ք

ՊՍԱԿ-ՊՍԱԿ

*Խոսք՝ Հ. Աղաբաբի
Երաժշտ.՝ Ռ. Մելիքյանի*

Պասկ-պասկ, տիկնի պասկ, Փեսան եկավ՝ լիքը քսակ:	} 2 անգամ	Բոյը՝ չինար, մեջքը՝ քամար, Աչքերը՝ ծով, ունքը՝ կամար:	} 2 անգամ
Տիրնանինե՛, տիրնանինե՛, Զուռնի ձենը գեղով մին է:	} 2 անգամ	Տիրնանինե՛, տիրնանինե՛, Էս մեր փեսան շատ անգին է:	} 2 անգամ

«Պասկ-պասկը» կատակային բնույթի երգ-պար է: Կոմպոզիտորն օգտագործել է հայկական ժողովրդական երաժշտությանը հատուկ ռիթմեր և հնչերանգներ, որոնք, միաձուլվելով խոսքի բովանդակությանը, ստեղծել են երաժշտական արտահայտիչ կերպարներ:



Կատարենք

Ձեր երգեցողությանը աշխարհը ար-
փահայրել երգ-պարի փրամադրու-
թյունը: Փորձե՛ք պարային շարժումնե-
րով սրեղծել երգ-պարի բովանդակու-
թյանը համապատասխան կերպար:

Ունկնդրենք

Նորից ունկնդրեք «Պսակ-պսակ»
երգ-պարը, ուշադրություն դարձրեք
դաշնամուրային նվագակցությանը և
կզգաք, թե ինչպես է նվագակցու-
թյունը պարերգի հնչողությունը
դարձնում ավելի գեղեցիկ ու արփա-
հայրիչ: Երգը կատարե՛ք ռիթմական
նվագակցությամբ:



Ունկնդրենք

Ունկնդրե՛ք Կոմիտասի «Շուշիկի
պարը», որը գրված է դաշնամուրի
համար: Հեղինակը ցանկացել է
դաշնամուրի հնչողությունը նմա-
նեցնել թառ ժողովրդական նվա-
գարանի կատարմանը:



Ունկնդրենք

«Շուշիկի պարը» ունկնդրե՛ք նաև
թառի կատարմամբ և ասացե՛ք, թե
որն է ձեզ ավելի դուր գալիս:

Հարցեր և առաջադրանքներ

- ◆ Ի՞նչ տեղ ունեն ձեր կյանքում երգն ու պարը:
- ◆ Երբ ունկնդրում եք «Պսակ-պսակ» երգը, ինչո՞ւ է ձեր մեջ պարելու ցանկու-
թյուն առաջանում:
- ◆ Ի՞նչ զգացմունքներ են արտահայտում «Պսակ-պսակ» երգ-պարը և «Շուշիկի
պարը»:
- ◆ Հնչողության տարբերություն կա՞ արդյոք «Շուշիկի պարի»՝ դաշնամուրով
և թառով կատարումների միջև:
- ◆ Ստեղծե՛ք ռիթմական նվագակցություններ «Պսակ-պսակ» երգ-պարի ու
«Շուշիկի պարի» համար:

ԵՐԱԺՇՏՈՒԹՅԱՆ ԵՎ ՊԱՐԻ ԸՆԴՀԱՆՐՈՒԹՅՈՒՆԸ

Երաժշտությունը և պարը, լինելով արվեստի տարբեր տեսակներ, ունեն մի շարք ընդհանրություններ: Ամենակարևոր ընդհանրությունը ռիթմն է: Առանց ռիթմի հնարավոր չէ այդ արվեստների գոյությունը: Ռիթմն է շարժման մեջ դնում երաժշտական հնչյունները և իմաստավորում մեղեդին: Ռիթմն է, որ կարգավորում է մարդու շարժումները՝ դրանք դարձնելով գեղեցիկ, պլաստիկ, իմաստավորված պար: Այս իմաստով երաժշտությունը և պարը համարվում են ռիթմի «զավակներ»:

Երգով ու պարով մարդն արտահայտում է ամենատարբեր զգացումներ. մեկը՝ հնչյունների, մյուսը՝ մարմնի շարժումների միջոցով: Ձեռքերի, մարմնի շարժումները կապված են երաժշտության հետ:

Երաժշտության և պարի միասնության շնորհիվ մարդն ավելի մեծ հնարավորություն է ստանում արտահայտելու խոր հույզեր և մտքեր:

Կոմիտասն ասել է. «Երգեցողությունը և պարը առույգացնում և մարզում են երեխայի մարմինը, նպաստում նրա բնականոն զարգացմանը»: Իրոք, երաժշտությունը, երգն ու պարը հոգու և մարմնի դաստիարակության կարևոր միջոցներ են:



«Երանգի»



«Անիպրայի պարը»



Ունկնդրեք

Ունկնդրեք Կոմիտասի «Երանգի» պարը և նորվեգացի կոմպոզիտոր Էդվարդ Գրիգի «Անիպրայի պարը»: Ասացեք, թե որ պարեղանակը ինչ նվագարաններով է կատարվում: Համեմատեք պարերը և արտահայտեք ձեր փայլավորությունները:

Կատարեք

Յուրաքանչյուր պարի փեմպին, ռիթմին և բնույթին համապատասխան՝ կատարեք պարային շարժումներ:



Սովորենք

Սովորենք «Նարոյ» հայկական ժողովրդական պարերգը և պարենք: Ինչ նմանություններ ու փարբերություններ կան ձեր ունկնդրած պարերի և «Նարոյ» պարերգի միջև:

ՆԱՐՈՅ

Չափավոր Ժողովրդական պարերգ

Սա - րեն ի վար ջուր կու - գա,
 Նա - րո՛յ, Նա - րո՛յ, Նա - րո՛յ ջան, Քա - նի խը - մեմ՝
 դուր կու - գա, Ես մա - րալ եմ, դու՛ ջեյ - րան:

Սարեն ի վար ջուր կուգա,
Նարոյ, Նարոյ, Նարոյ ջան,
Քանի խամեմ՝ դուր կուգա,
Ես մարալ եմ, դու՛ ջեյրան:

Սարերի հովին մեռնեմ,
Նարոյ, Նարոյ, Նարոյ ջան,
Շեկ աղբոր բոյին մեռնեմ,
Ես մարալ եմ, դու՛ ջեյրան:



Կատարենք

Երգը կատարենք ռիթմական նվագակցությամբ և պարային շարժումներով:

ԻՆՏԵՐՎԱԼ

Երկու հնչյունների միջև ընկած տարածությունն, ըստ բարձրության, կոչվում է **ինտերվալ**: Երաժշտության մեջ ընդունված է ինտերվալները նշանակել լատինական դասական թվանուններով և թվանշաններով.

պրիմա նշանակում է առաջին (մեկ),

սեկունդա՝ երկրորդ (երկուս),

տերցիա՝ երրորդ (երեք),

կվարտա՝ չորրորդ (չորս),

կվինտա՝ հինգերորդ (հինգ) և այլն:

Ինտերվալ կազմող հնչյուններից ներքևինը կոչվում է **հիմք**, վերևինը՝ **գագաթ**:



Եթե **րե-մի-ֆա-սո-լա** հնչյունաշարի ձայնաստիճաններից **րե**-ն ընդունենք հիմք, կստանանք հետևյալ ինտերվալները.



Պրիման հնչյունաշարի միևնույն բարձրություն ունեցող ձայնաստիճանների կրկնությունն է:




Կատարենք Երգե՛ք րե-մի-ֆա-սո-լա հնչյունաշարի պրիմա ինտերվալները:



Սեկունդան հնչյունաշարի երկու հարևան ձայնաստիճանների միջև ընկած տարածությունն է:



Երգելք **րե-մի-ֆա-սո-լա** հնչյունաշարի **սեկունդա** ինտերվալները:



Տերցիան հնչյունաշարի որևէ ձայնաստիճանի և նրանից հաշված՝ երրորդ ձայնաստիճանի միջև ընկած տարածությունն է:



Կատարեք Երգելք րե-մի-ֆա-սո-լա հնչյունաշարի տերցիա ինտերվալները:



Հարցեր և առաջադրանքներ

- ♦ Ո՞րն է երաժշտության և պարարվեստի ամենակարևոր ընդհանրությունը:
- ♦ Ի՞նչ դեր է կատարում ռիթմը երաժշտության մեջ և պարարվեստում:
- ♦ Ի՞նչ է ասել Կոմիտասը երգեցողության և պարի մասին:
- ♦ Երգելք և պարելք ձեր իմացած պարերգերից մեկը: Ի՞նչ ընդհանրություններ, կապեր եք տեսնում երգի և պարային շարժումների միջև:
- ♦ Ասացելք ինտերվալների անունները և երգելք դրանք՝ հիմք ընդունելով **րե**-ն:
- ♦ «Նարոյ» երգի մեջ ի՞նչ ինտերվալներ կան:

ԺՈՂՈՎՐԴԱԿԱՆ ՊԱՐ

Հայկական ժողովրդական պարերը բազմազան են իրենց բնույթով, տրամադրությամբ, կատարման ձևով: Հնագույն ժամանակներից սկսած՝ Հայաստանում սիրված ու տարածված են կլոր պարերը, որոնք պարում են խմբով՝ կողք կողքի, կիսաշրջան կազմած: Պարին սովորաբար նվագակցում են դիոլահարը և գունահարը կամ տկզարը (պարկապցուկ նվագող): Հայերը սիրում են պարել նաև երգի ուղեկցությամբ: Այդպիսի պարը կոչվում է պարերգ: Երգում են հերթով, իսկ կրկներգը կատարում են միասին:

Սիրված խմբապարերից են կրակոտ «Քոչարին», ռազմական պար «Յարխուշտան», սասնա «Ծափպարը», նազանքով լի «Նազպարը», ուրախ «Վերվերին» և շատ այլ պարեր:

Հայերը պարում են նաև մենապարեր և գուգապարեր՝ ձեռքերի ու դաստակների գեղեցիկ, ճկուն շարժումներով: Դրանք կոչվում են նաև «ձեռնախաղեր»:

Ժողովրդական պարերն ունեն շարժումների յուրահատուկ լեզու, պլաստիկա, մարմնի դիրքեր, ձեռքերի և ոտքերի, գլխի և ուսերի յուրօրինակ շարժումներ, կատարման առանձնահատուկ ձևեր: Կոմիտասը գրել է. «Պարն արտահայտում է սովյալ ազգի բնորոշ գծերը, նրա բարքն ու քաղաքակրթության աստիճանը:





Թեև մարդը պարում է ազատ կամքով, բայց մարմնի տեսակ-տեսակ շարժումներն ակամա մատնում են նրա ներքինը»:



Ունկնդրե՛ք «Քոչարի» և «Նազպար» պարեղանակները: Փորձե՛ք պարել:

Ունկնդրե՛ք



Սովորե՛ք «Սարեն կուգա» հայկական ժողովրդական երգ-պարը: Փորձե՛ք պարել:

Սովորե՛ք

ՍԱՐԵՆ ԿՈՒԳԱ

Չափավոր Ժողովրդական երգ-պար

Սա-րեն կու-գան պաղ-պաղ ջը-րեր,
 Բաղ ու բաղչի ա՛լ ծաղիկ, Կը-կաթ - կը-թի
 մար - մար քա-րեն, Բաղ ու բաղչի ա՛լ ծաղիկ:

Սարեն կուգան պաղ-պաղ ջրեր,
 Բաղ ու բաղչի ա՛լ ծաղիկ,
 Կըկաթկըթի մարմար քարեն, } 2 անգ.
 Բաղ ու բաղչի ա՛լ ծաղիկ:

Դու ելել ես, կայնել ես դուռ,
 Բաղ ու բաղչի ա՛լ ծաղիկ,
 Մեջքդ՝ բարակ, ունքդ՝ կամար, } 2 անգ.
 Բաղ ու բաղչի ա՛լ ծաղիկ:

Դու ելել ես, կերթաս մարագ,
 Բաղ ու բաղչի ա՛լ ծաղիկ,
 Քո ուտելիք՝ մեղր ու կարագ, } 2 անգ.
 Բաղ ու բաղչի ա՛լ ծաղիկ:



Ունկնդրէք

Ունկնդրէք ավարրիացի կոմպոզիտոր Յոհան Շիրաուսի «Գարնանային ձայններ» վալսը, «Տրիկ-փրակ» պոլկան, ապա «Տանգո» և «Սամբա», «Չա-չա-չա» լարինասաներիկյան պարեղանակները: Համեմարէք հայկական պարեղանակների հետ:



Սովորէք

Սովորէք «Թող լարեն ջութակները» չեխական երգ-պարը: Համեմարէք «Սարեն կուգա» երգ-պարի հետ:

ПУСТЬ НАСТРОЯТ СКРИПКИ

Пусть настроят скрипки скрипачи,
Пусть поднимут трубы трубачи —
Нынче будет праздник здесь у нас,
Стар и мал пойдут сегодня в пляс.

Припев: Тра-ля-ля-ля!
Тра-ля-ля-ля!
Стар и мал пойдут
сегодня в пляс.

Кто не хочет с нами танцевать,
Мы того не станем долго звать, —
Сами топнут наши каблуки,
Сами спляшут наши башмаки.

Припев: Тра-ля-ля-ля!



Скоро, весело

Чешская плясовая

mf


Пусть на - стро - ят скрип - ки скри - па - чи,
Пусть под - ни - мут тру - бы тру - ба - чи.

Нын - це бу - дет празд - ник здесь у нас.

f Стар и мал пой - дут *mf* се - год - ня пляс.

f Тра - ля - ля - ля - ля. Тра - ля - ля - ля - ля.

mf Стар и мал пой - дут се - год - ня пляс.

Այս երգն աշխույժ է ու կրակոտ: Երգի մեջ հանդիպում ենք անսովոր ռիթմական պատկերների, որտեղ երաժշտության շեշտը տակտի ուժեղ մասից տեղափոխված է թույլ մասը: Օրինակ՝ : Երաժշտության մեջ այսպիսի շեշտադրությունը կոչվում է **սինկոպա**:

Կատարե՞ք Սյրեղծե՞ք ռիթմական նվագակցություններ և նվագակցե՞ք «Մարեն կուգա» և «Թող լարեն ջութակները» երգ-պարերին:

Կատարե՞ք Պարե՞ք և ասացե՞ք, թե ինչ նմանություն ունեն այդ երգ-պարերը:

Հարցեր և առաջադրանքներ

- ◆ Ովքե՞ր են ստեղծում ժողովրդական պարերը:
- ◆ Ի՞նչ ժողովրդական պարեր գիտեք:
- ◆ Հիշե՞ք ժողովրդական պարի կոմիտայան բնութագրումը:
- ◆ Ի՞նչ ժողովրդական պարերգեր գիտեք. երգե՞ք և պարե՞ք:
- ◆ Ի՞նչ եվրոպական և լատինաամերիկյան պարեր են ձեզ հայտնի: Ո՞րն է ձեր ամենասիրելի պարը:

ԳԱՍԱԿԱՆ ՊԱՐ

Բալետը իտալերեն բառ է, նշանակում է «պարում են»: Ձևավորվել է Իտալիայում XVII դարում, սպա զարգացել է Ֆրանսիայում և տարածվել ամբողջ աշխարհում: Հայաստանում պարերի որոշ տեսակներ կատարվել են դեռ հին ժամանակներում թատերականացված ներկայացումներում: Այդ պարերը կատարվել են «համր»՝ առանց երգի, միայն մարմնի շարժումներով՝ *մնջախաղով, դիմախաղով*: Դրանք այսօրվա բալետում համարվում են շարժումային արտահայտչամիջոցներ:

Բալետը թատերականացված ներկայացում է, որտեղ դերակատարները պարողներն են: Այստեղ միաժամանակ հանդես են գալիս արվեստի մի քանի ճյուղեր՝ գրականությունը, երաժշտությունը, պարարվեստը, կերպարվեստը, թատերական արվեստը, մնջախաղը, դիմախաղը:

Գրական տեքստի բովանդակության հիման վրա ստեղծվում է բալետի լիբրետոն, կոմպոզիտորը գրում է երաժշտությունը, նկարիչը ձևավորում է բեմը, ստեղծում դեկորները, նկարում պարողների զգեստների գծագրերը և այլն:

Բալետում պարերի բեմադրությունը կատարում է *բալետմայստրը*: Հերոսների զուգապարը կոչվում է *սյու-դե-դե*, մենապարը՝ *վարիացիա*, իսկ խմբապարը՝ *կորդերալետ*:

Բալետի երաժշտական մասը ղեկավարում է *դիրիժորը*:

Հայկական առաջին դասական բալետը գրել է կոմպոզիտոր Արամ Խաչատրյանը: Այն կոչվել է «Երջանկություն» և բեմադրվել է 1939 թվականին: Հետագայում բեմադրվել է նորովի՝ «Գայանե» անվանմամբ:

Այդ բալետում Արամ Խաչատրյանն օգտագործել է հայկական ժողովրդական պա-



Էդգար Դեգա.
«Պարուհին իր
հարդասենյակում»

րային ռիթմեր, հնչերանգներ: Դրա շնորհիվ այն հարազատ է դարձել հայ մարդուն և նպաստել հայկական դասական բալետային ստեղծագործությունների զարգացմանը:

Նախորդ դասարաններում դուք լսել եք հասվածներ «Գայանե» բալետից:



Ունկնդրեք

Ունկնդրեք «Աղջիկների պարը» «Գայանե» բալետից, ապա սովորեք հայկական ժողովրդական «Աղջիկների պարերգը»: Երգեք և պարեք:

ԱՂՋԻԿՆԵՐԻ ՊԱՐԵՐԳԸ

Աղջիկ նազերով, նազերով,
Սիրուն մազերով, մազերով,
Աղջիկ, մի՛ գար մեր կալերով,
Ինձ գերեցիր հազար նազերով:
Աղջիկ նազերով, նազերով,
Տարան սազերով, սազերով,
Ծամեր հյուսած ոսկի թելերով:

Աղջիկ նազերով, նազերով,
Շեկ-շեկ մազերով, մազերով,
Սիրուն տեսքդ խելքս տարավ,
Ձենդ իմացա՛ իմ սիրտը մարավ:
Աղջիկ նազերով, նազերով,
Տարան սազերով, սազերով,
Ծամեր հյուսած ոսկի թելերով:

Չափավոր

Աղ-ջիկ նա-զե-րով, նա-զե-րով, Սի-րուն մա-զե-րով,
 րով, մա-զե-րով, Աղ-ջիկ, մի՛ գար մեր կա-լե-րով,
 Ինձ գե-րե-ցիր հա-զար նա-զե-րով:
 Աղ-ջիկ նա-զե-րով, նա-զե-րով, Տա-րան սա-զե-րով,
 րով, սա-զե-րով, Ծա-մեր հյու-սած ոս-կի թե-լե-րով:

Արամ Խաչատրյանի հանճարեղ ստեղծագործություններից է «Սպարտակ» բալետը: Այն Հին Հռոմի ստրուկների և նրանց առաջնորդ Սպարտակի ապստամբության մասին է:

Բալետն առաջին անգամ բեմադրվել է 1956 թ. Լենինգրադում (այժմ՝ Սանկտ Պետերբուրգ), իսկ 1958 թ.՝ Մոսկվայում: Այնուհետև բեմադրվել է աշխարհի բազմաթիվ օպերային թատրոններում: 1961 թվականին «Սպարտակը» բեմադրվել է Երևանում:



Տեսարան «Սպարտակ» բալետից



Ունկնդրեք

Ունկնդրեք «Սպարտակ» բալետից «Սպարտակի հաղթանակը» և «Սպրուկների ապստամբությունը» հասցիները և պարմեք ձեր փոստ-վորությունները:

Հայկական լավագույն բալետներից է կոմպոզիտոր Գրիգոր Եղիազարյանի «Սևան» բալետը: Բալետի բովանդակությունը երիտասարդության կյանքն է: Գլխավոր հերոսներն են Ռուբենը և Ռուզանը, ովքեր, հաղթահարելով բոլոր խոչընդոտները, հասնում են երջանկության:

«Սևան» բալետում կոմպոզիտորն օգտագործել է հայկական ժողովրդական երգեր ու պարեր: Դրանք վարպետորեն մշակել է սիմֆոնիկ նվագախմբի համար, ստեղծել արտահայտիչ կերպարներով ու տպավորիչ բնապատկերներով հարուստ երաժշտություն: Բալետը բեմադրվել է Երևանում 1956 թվականին:



Ունկնդրեք

Ունկնդրեք «Քոչարի» և «Էրզրումի» պարերը «Սևան» բալետից: Ուշադրություն դարձրեք, թե կոմպոզիտորը շեփորի և թմբուկի հնչողությունը ինչպես է նմանեցրել զուռնայի և դիլի հնչողությանը՝ ազգային երանգ հարդելով սիմֆոնիկ երաժշտությանը:

ՊՅՈՏԲ ԻԼՅԻՉ ՉԱՅԿՈՎՍԿԻ (1840–1893)



Նիկոլայ Կուզնեցով.
«Չայկովսկու դիմանկարը»

Ռուս մեծ կոմպոզիտոր Պյոտր Չայկովսկին հեղինակ է մի շարք օպերաների և բալետների, որոնք բեմադրվում են աշխարհի լավագույն բեմերում:

Նախորդ դասարաններում դուք ունենդրել եք հասվածներ «Կարապի լիճը» բալետից: Այժմ ծանոթանանք Չայկովսկու «Շչելկունչիկ» բալետին:

Բալետի լիբրետտոն ստեղծվել է գերմանացի գրող Հոֆմանի «Շչելկունչիկը և Մկների թագավորը» հեքիաթի հիման վրա: Այս բալետի անվանումը սովորաբար չի թարգմանվում, սակայն այն ծագել է ռուսերեն «шелкаты» բառից, որ նշանակում է կոտրել, իսկ Շչելկունչիկը՝ Չրթչրթիկը, խաղալիք ընկույզկոտորիչ է:

Ծննդյան տոնին տանտերերը և հյուրերը զարդարում են տոնաձառը և նվերներ պատրաստում երեխաների համար: Սկսվում է տոնահանդեսը: Մաշան, նրա փոքր եղբայրը և հյուր եկած երեխաները շատ լավ տրամադրություն ունեն: Դահլիճում նոր հյուր է հայտնվում՝ խորհրդական Դրոսեյմայերը: Նա երեխաներին նվերներ է մատուցում, այդ թվում՝ զվարճալի մի խաղալիք՝ զինվորի տեսքով ընկույզկոտորիչ, որն ընկույզը կոտրում է ատամներով: Մաշայի չարաճճի եղբայրը պատահմամբ կոտրում է Չրթչրթիկի ատամները: Գիշերը Մաշան այցելում է հիվանդ Չրթչրթիկին և ի՛նչ է տեսնում. օ՛, հրա՛շք, խաղալիքները կենդանացել են և պատերազմի բռնվել Մկների թագավորի ու նրա զորքի դեմ: Չրթչրթիկը դարձել է գեղեցիկ արքայազն և խիզախ զորավար: Իր անագե զինվորների հետ նա հակահարված է տալիս թշնամուն ու հաղթում:

Մաշան ու Չրթչրթիկը, անցնելով ճմեռային եղննուտի միջով, հասնում են քաղցրավենիքի դղյակը: Ճանապարհին հանդիպում են կենդանացած ձյան փաթիլներին, որոնք վալս են պարում: Դղյակում նրանց դիմավորում են բարի կախարդուհի Դրաժեն ու նրա սպասավորները: Պարում են բոլորը՝ շոկոլադը (իսպանական պար), սուրճը (արաբական պար), թեյը (չինական պար), խաղալիք փոքրիկ հովիվները, ծաղրածունները, ծաղիկները:



Ոնկնդրեք

Ոնկնդրեք հարվածներ «Շչեկունչիկ» բալետից՝ «Անագե զինվորների բալետգր», Մաշայի ու Չրթչրթիկի պա-դե-դեն:



Հարցեր և առաջադրանքներ

- ◆ Ո՞ր դարում է ստեղծվել դասական բալետը:
- ◆ Ո՞րն է հայկական առաջին բալետը, և ո՞վ է հեղինակը:
- ◆ Պատմե՛ք «Սպարտակ» բալետի մասին:
- ◆ Պատմե՛ք «Սևան» բալետի մասին:
- ◆ Պատմե՛ք «Շչեկունչիկ» բալետի և նրա հեղինակի մասին:

ԹԵՄԱՅԻ ԱՄՓՈՓՈՒՄ

Դուք նկատեցիք, որ երաժշտությունը և պարարվեստը հավասարապես զեղեցկացնում են մեր կյանքը: Իմացաք, որ բոլոր պարերի ակունքը ժողովրդական պարն է, որը մեծ դեր է խաղացել դասական պարի ստեղծման գործում:

Ծանոթացաք դասական բալետի ստեղծման ու զարգացման պատմությանը, ինչպես նաև հայ և ռուս հանրահայտ կոմպոզիտորների բալետներին:

Երաժշտության և պարարվեստի հետ ավելի մտերմանալու համար եղե՛ք օպերայի և բալետի թատրոնում, լսե՛ք ու դիտե՛ք բալետային երաժշտություն և ներկայացումներ, սովորե՛ք նոր երգեր, պարեր, միասին երգե՛ք ու պարե՛ք:

ԽԱՉԲԱՌ

1						2						3				4		
7												6					5	
		8					9											10
		13																

1. Ավստրիացի անվանի կոմպոզիտոր, «Կախարդական սրինգ» օպերայի հեղինակը: 2. Հնչյունաշարի որևէ ձայնաստիճանի և նրանից հաշված՝ երրորդ հնչյունի միջև ընկած տարածությունը: 3. Ինչպե՞ս է կոչվում օպերայի հերոսի մեներգը: 4. Բանաստեղծ, Ռ. Մելիքյանի «Պսակ-պսակ» երգի խոսքի հեղինակը: 5. Բեմական երաժշտական արվեստի տեսակ, որի դերակատարները պարողներ են: 6. «Դավիթ Բեկ» օպերայի հեղինակը: 7. Երաժշտությունը գրառելու նշան: 8. Հովհաննես Թումանյանի պոեմը, որը հիմք դարձավ հայ կոմպոզիտորի օպերայի համար: 9. Չայկովսկու բալետը՝ գրված գերմանացի գրող Հոֆմանի հայտնի հեքիաթի հիման վրա: 10. Երաժշտական ժանրերից մեկը: 11. Երաժշտության կատարման արագությունը: 12. Արվեստի տեսակ: 13. Տղամարդու բարձր ձայն:


ԽԱՉԲԱՌ

Հորիզոնական

3. Օպերայի գրական տեքստը: 6. Ինտերվալ:
7. Երաժշտաթատերական ժանր: 8. Գերմանացի կոմպոզիտոր, «Երգեր առանց խոսքի» շարքի հեղինակը:
12. Ինտերվալ: 15. Ռուս մեծ կոմպոզիտոր, «Կարապի լիճը» բալետի հեղինակը: 17. Սիմֆոնիկ նվագախմբի ղեկավարը: 19. Նոտա: 20. Երկու հնչյունների միջև տարածությունը: 21. Երաժշտության կատարման արագությունը: 23. Լարային աղեղնային նվագարան:

Ուղղահայաց

1. XVIII դարի իտալացի կոմպոզիտոր: 2. Մի շեշտից մյուս շեշտն ընկած չափական հատվածը:
4. Նոտա: 5. Եվրոպական պարահանդեսային պար:
7. Աշխարհահռչակ ջութակահար, որին Ա. Խաչատրյանը նվիրել է իր «Ջութակի կոնցերտը»: 8. Ավստրիացի հանճարեղ կոմպոզիտոր, «Կախարդական սրինգ» օպերայի հեղինակը: 9. Նոտա: 10. Տղամարդու թավձայն: 11. Նորվեգացի մեծ կոմպոզիտոր: 13. Նոտա:
14. Երգային ժանրերից մեկը: 16. Բազմամաս խմբերգային ստեղծագործություն: 17. Օպերային զուգերգ:
18. Օպերային մեներգ: 22. Նոտա:





ԵՐԱԺՇՏՈՒԹՅՈՒՆԸ ԵՎ ԿԵՐՊԱՐՎԵՍՏԸ

Եթե երաժշտությունը, գրականությունը և պարարվեստը «ազգակցական» կապի մեջ են ռիթմի և այլ արտահայտչամիջոցների շնորհիվ, ապա այլ է երաժշտության և կերպարվեստի փոխհարաբերությունը:

Երաժշտության ընկալումը տեղի է ունենում լսողությամբ, իսկ կերպարվեստի ընկալումը՝ տեսողությամբ: Հետևաբար, *երաժշտությունը լսողական, ժամանակային արվեստ է, իսկ կերպարվեստը՝ տեսողական, տարածական:*

Երաժշտությունը մարդկային զգացմունքները, բնության երևույթներն արտահայտում ու նկարագրում է հնչյունների շարժման և ռիթմի միջոցով, իսկ կերպարվեստն իրականության գեղեցկությունն արտացոլում է գծի և գույնի փոխհարաբերության միջոցով:

Արվեստի այս երկու տեսակի գլխավոր նմանությունն այն է, որ դրանք հուզական մեծ ներգործություն ունեն մեր հոգևոր աշխարհի և մտքի վրա:

Ուշադիր դիտենք հայ անվանի նկարիչ Գրիգոր Խանջյանի «Հայոց այբուբեն» գորելենը: Մեսրոպ Մաշտոցի ձեռքին հայոց այբուբենն է, որը եղել և մնում է հայ ժողովրդի ու հայոց լեզվի պահպանման կարևոր նախապայմանը:

Այս նկարը մեզ կապում է մեր նախնիների անցյալի հետ և հպարտության զգացում արթնացնում մեր մեջ: Մենք ստանում ենք հոգևոր անունդ և բավարարվածություն:



Գրիգոր Խանջյան. «Հայոց այբուբեն»



Սովորեք
Ոնկնդրեք

Ոնկնդրեք, ապա սովորեք կոմպոզիտոր Ռոբերտ Պետրոսյանի «Պատգամ որդու» երգը՝ գրված Սիլվա Կապուրիկյանի խոսքերով: Կարարեք արտահայտիչ, բառերն արտասանեք հստակ:

ՊԱՏԳԱՄ ՈՐԴՈՒՍ

*Խոսք՝ Ս. Կապուրիկյանի
Երաժշտ.՝ Ռ. Պետրոսյանի*

Լսիր, որդիս, պատգամ որպես
Սիրող քո մոր խոսքը սրտանց,
Այսօրվանից հանձնում եմ քեզ
Հայոց լեզուն հազարազանձ:
Կտրել է նա, հանց աստղալույս,
Երկինքները ժամանակի,
Շառաչել է խոռվահույզ
Սլացքի հետ հայկյան նետի:
Եվ Մեսրոպի սուրբ հանճարով
Դարձել է գիր ու մագաղաթ,
Դարձել է հոնյս, դարձել դրոշ,
Պահել երթը մեր՝ անաղարտ...

Բաց շուրթերդ, խոսիր, անգի՛ն,
Ժիր դայլայլի՛ր, ի՛ն սիրասուն,
Թող մանկանա՛ քո շուրթերին
Մեր պեհե՛ր հայոց լեզուն...
Պահիր նրան բարձր ու վճիտ,
Արարատի սուրբ ճյունի պես,
Պահիր նրան սրտիդ մոտիկ,
Քո պապերի աճյունի պես...
Ու տե՛ս, որդիս, ո՛ր էլ լինես,
Այս լուսնի տակ ո՛ր էլ գնաս,
Թե մո՛րդ անգամ մտքից հանես,
Քո մա՛յր լեզուն չնոռանա՛ս...

Երգը բանաստեղծի և կոմպոզիտորի մտքերի ու զգացմունքների միասնության արդյունք է, իսկ նկարը, ինչպես ասել է Մարտիրոս Սարյանը, «յուրատիպ մի հայելի է, որի մեջ արտացոլվում են նկարչի հոգու և մտքի հուզական տպավորությունները»:

Հարցեր և առաջադրանքներ

- ◆ Երաժշտությունն ու կերպարվեստը բնութագրե՛ք որպես արվեստի տեսակներ:
- ◆ Ինչո՞վ են նման և ինչո՞վ են տարբեր երաժշտությունն ու կերպարվեստը:
- ◆ Բովանդակային կապ կա՞ արդյոք «Պատգամ որդու» երգի և «Հայոց այբուբեն» գորելենի միջև:
- ◆ «Պատգամ որդու» երգը կատարե՛ք երկձայն: Երգի յուրաքանչյուր ձայն նախ սովորե՛ք առանձին, ապա ամբողջ երգը կատարե՛ք խմբով:

ԿԱՐՈՂ ԵՔ ԵՐԱԺՇՏՈՒԹՅՈՒՆԸ «ՏԵՄՆԵԼ»

Երգի խոսքերը մեր մտքում, երևակայության մեջ անմիջապես արթնացնում են որոշակի կերպարներ, բնության պատկերներ, իսկ երաժշտությունն ավելի արտահայտիչ է դարձնում այդ պատկերներն ու կերպարները:

Ձեր մտքում կերպարներ կարող են «արթնացնել» նաև այն երաժշտական ստեղծագործությունները, որոնք չունեն խոսք, բայց ունեն խոսուն անվանում, օրինակ՝ Արամ Խաչատրյանի «Ցատկապարանը», Էդվարդ Գրիգի «Ծիտիկը», Գեղունի Չթչյանի «Անձրևը» և այլն:

Այս ստեղծագործությունների վերնագրերը երաժշտության ունկնդրին տեսանելի են դարձնում զանազան պայմանական պատկերներ: Ահա թե ինչ է նշանակում «տեսնել» երաժշտությունը:



Ունկնդրեք

Ունկնդրեք, ապա սովորեք կոմպոզիտոր Աշուր Սաթյանի «Մարտիկի երգը» և պարմեք, թե ձեր մտքում երգն ինչ կերպարներ ու պարկերներ արթնացրեց:

Կատարեք

Երգը կատարեք երկձայն: Նախ ձայները սովորեք առանձին-առանձին, ապա երգեք միասին, արդահայտիչ՝ լսելով միմյանց:

ՄԱՐՏԻԿԻ ԵՐԳԸ

Թռչեի մտքով տուն,
Որ իմ մայրն է արթուն,
Տեսնեի այն առուն
Կարոտով ես անհուն,
Որ ամեն մի գարուն
Ջրերով վարարուն
Կարկաչում էր սարերում:

Թեքվեի աղբյուրին՝
Կարոտած պաղ ջրին,
Լինեի հանդերում,
Մեր կանաչ մարգերում,
Որ ծաղկունքն էր բուրում,
Որ մանուկ օրերում
Հովն էր ինձ միշտ համբուրում:

Հայրենիքն իմ սրտում,
 Թե չընկնեմ ես մարտում,
 Ա՛խ, իմ մայր թանկագին,
 Տուն կգամ ես կրկին,
 Կափոփեմ քո հոգին
 Համբույրով սրտագին,
 Կսեղմեմ քեզ իմ կրծքին:



ՄԱՐՏԻԿԻ ԵՐԳԸ

Խոսք՝ Գ. Մադյանի
 Երաժշտ.՝ Ա. Մադյանի

Չափավոր

Թըռ - չե - ի մըր - քով Կուն, Որ իմ մայրն
 է ար - թուն, Տես - նե - ի այն ս - ռուն,
 Կա - թո - րով ես սն - հուն, Որ ս - մեն մի գա - թուն Ջը - թե - թով
 վա - թա - թուն Կար - կա - չում էր սա - թե - թում:
 Տես - նե - ի այն ս - ռուն, Կա - թո - րով ես սն - հուն,
 Որ ս - մեն մի գա - թուն Ջը - թե - թով վա - թա - թուն
 Կար - կա - չում էր սա - թե - թում:

ՇԱՐՈՒՆԱԿԵՆՔ ԾԱՆՈԹԱՆԱԿ ԻՆՏԵՐՎԱԼՆԵՐԻՆ

Րե-մի-ֆա-սո-լա հնչյունաշարում արդեն ծանոթ եք *պրիմա*, *սեկունդա* և *տերցիա* ինտերվալներին: Ծանոթանանք նույն հնչյունաշարի *կվարտա* և *կվինտա* ինտերվալներին:

Կվարտան հնչյունաշարի որևէ ձայնաստիճանի և դրանից հաշված չորրորդ ձայնաստիճանի միջև եղած տարածությունն է:



կվարտա

Կատարեք *Երգե՛ք րե-մի-ֆա-սո-լա հնչյունաշարի կվարտա ինտերվալները:*



կվարտա

կվարտա

Կվինտան հնչյունաշարի որևէ ձայնաստիճանի և դրանից հաշված հինգերորդ ձայնաստիճանի միջև եղած տարածությունն է:



կվինտա

Կատարեք *Երգե՛ք րե-մի-ֆա-սո-լա հնչյունաշարի կվինտա ինտերվալը:*



կվինտա

կվինտա

Ինտերվալները կարող են հնչել երկու ձևով՝ *մեղեդային* և *հարմոնիկ*: «Մարտիկի երգի» մեղեդու՝ իրար հաջորդող հնչյուններից կազմված ինտերվալները մեղեդային են, իսկ երկու ձայների միաժամանակյա հնչումից կազմված ինտերվալները՝ հարմոնիկ:

Նուրաներով երգե՛ք «Վա՛յ, լուսինը նորել է» երգը և ասացե՛ք, թե ինչ հարմոնիկ ինստրումենտներ կան:

ՎԱ՛Յ, ԼՈՒՍԻՆԸ ՆՈՐԵԼ Է

Հայկական ժողովրդական երգ

Վա՛յ, լուսինը նորել է,
Թագի ակը, թագի ակը կորել է:
Գտել է մեր չար Մոսին,
Պատի տակին, պատի տակին հորել է:



Հարմոնիկ

Վա՛յ, լու - սի - նը նո - ռել է,
Թա - գի ա - կը, թա - գի ա - կը կո - ռել է:

Հարցեր և ստաջադրանքներ

- ◆ Արվեստի ո՞ր տեսակն է ձեզ ավելի սրտամոտ՝ երաժշտությունը, թե՞ կերպարվեստը:
- ◆ Ի՞նչ է նշանակում «տեսնել» երաժշտությունը: Բերե՛ք օրինակներ:
- ◆ «Մարտիկի երգից» ստացած ձեր տպավորություններն արտահայտե՛ք նկարով:

ԵՐԱԺՇՏՈՒԹՅԱՄԲ «ՆԿԱՐՎԱԾ» ՊԱՏԿԵՐՆԵՐ

ԷՂՎԱՐԴ ԳՐԻԳ
(1848–1907)



Էյլիֆ Պեպերսեն.
«Էղվարդ Գրիգի դիմանկարը»

Էղվարդ Գրիգը XIX դարի նորվեգացի մեծ կոմպոզիտոր է: Նրա երաժշտության շնորհիվ աշխարհը ճանաչեց Նորվեգիան:

Գրիգը գրել է դաշնամուրային մանրանվագների շարքեր, ռոմանսներ, դաշնամուրային կոնցերտ, սիմֆոնիկ և կամերային ստեղծագործություններ: Մեծ սեր է վայելում նորվեգացի գրող Հենրի Իբսենի «Պեր Գյունստ» դրամայի համար նրա գրած երաժշտությունը:

«Պեր Գյունստ» դրամայի երաժշտությունից Գրիգը կազմել է երկու սիմֆոնիկ սյուիտ:

Առաջին սյուիտի երկու մասերը՝ «Առավուրդ» և «Անիտրայի պարը», դուք արդեն լսել եք:

Այժմ ծանոթանանք մյուս երկու մասերին: «Օզեի մահը» սգո քայլերգի բնույթ ունի, իսկ «Լեռնային արքայի քարանձավում» հատվածը սկզբից հնչում է դանդաղ, խորհրդավոր և չարագուշակ, հետո հետզհետե ուժեղանալով և արագանալով՝ վերաճում է չար ուժերի պարային տարերքի:



Ունկնդրե՛ք «Լեռնային արքայի քարանձավում» և «Օզեի մահը» հասկածները «Պեր Գյունստ» սյուիտից:

Ունկնդրե՛ք



«Օզեի մահը» «Պեր Գյունստ» սիմֆոնիկ սյուիտից

Ձեր ունկնդրած երաժշտության մեջ ի՞նչ կերպարներ և պատկերներ եք «տեսնում»: Դուք նկատեցի՞ք, որ «Պեր Գյունստ» սիմֆոնիկ սյուիտի յուրաքանչյուր մաս ունի իր անվանումը, իսկ ամբողջ սյուիտը՝ որոշակի բովանդակություն: Գրական տեքստ ունեցող նման երաժշտական ստեղծագործություններն անվանում են ծրագրային:

ՇԱՐՈՒՆԱԿԵՔ ԵՐԱԺՇՏՈՒԹՅԱՆ ՄԵՋ «ՏԵՄՆԵԼ» ՊԱՏԿԵՐՆԵՐ

Գրական տեքստի հիման վրա ստեղծված երաժշտության մեջ կարող ենք «տեսնել» տեքստի բովանդակությունից բխող պատկերներ:

Առանց գրական տեքստի՝ երաժշտությունը մեր երևակայության մեջ առաջացնում է որոշակի զգայական պատկերներ: Օրինակ՝ ունկնդրելով Արամ Խաչատրյանի «Ջութակի կոնցերտը»՝ հաղորդակից ենք դառնում հեղինակի զգացմունքներին, ապրումներին, տրամադրությանը: Դրան նպաստում է նաև կոմպոզիտորի երաժշտության ազգային լեզուն, որը մեզ հարազատ է ու հասկանալի:



Կատարե՞ք նախորդ դասարանում սովորած «Քելե՛, քելե՛» հայկական ժողովրդական երգը:

Կատարե՞ք



Ունկնդրե՞ք Արամ Խաչատրյանի «Ջութակի կոնցերտից» հայրվածներ:

Ունկնդրե՞ք

Արամ Խաչատրյանն իր «Ջութակի կոնցերտը» նվիրել է աշխարհահռչակ ջութակահար Դավիթ Օյստրախին: «Ջութակի կոնցերտում» նվագախմբի կարճ նախանվագը միանգամից ունկնդրի ուշադրությունը կենտրոնացնում է՝ ազդարարելով ջութակի մուտքը:

Կոմպոզիտորը «Ջութակի կոնցերտում» ժողովրդական երգեր չի օգտագործել, սակայն ուշադիր լսելիս կճանաչեք երգերի առանձին հնչերանգներ, դարձվածքներ, որոնք ազգային երանգ են հաղորդում երաժշտությանը: Օրինակ՝ առաջին մասում



Դավիթ Օյստրախ,
Արամ Խաչատրյան

անմիջապես ճանաչվում են ժողովրդական «Քելե՛, քելե՛» կրկներգի հնչերանգները («Միրավոր լորիկ»):

Երկրորդ մասը քնարական երգ է, որի գեղեցիկ մեղեդին մեզ տեղափոխում է մտորումների երազկոտ աշխարհը:

Երրորդ մասն իր սրնթաց, լուսավոր, պարային բնույթի մեղեդիով հիշեցնում է ժողովրդական տոնախմբության տեսարան:

Ժողովրդական երաժշտության տարրերի օգտագործման շնորհիվ Արամ Խաչատրյանն արտահայտել է հայ ժողովրդի հույզերի ուժգնությունն ու խորությունը, ստեղծագործ ոգու հզոր ուժը:

Նոր զարգացում է ստացել ժողովրդի երջանկության թեման: «Ջութակի կոնցերտում» իշխում է բացառիկ մեղեդայնությունը, քնարականությունը, որոնք միահյուսված են պարային տարերքին:

Առանց գրական տեքստի գրված երաժշտական ստեղծագործություններն անվանում են *ոչ ծրագրային*:

Հարցեր և առաջադրանքներ

- ◆ Ի՞նչ գիտեք Էդվարդ Գրիգի մասին:
- ◆ Ո՞վ է «Պեր Գյունտ» դրամայի հեղինակը:
- ◆ Քանի՞ սյուիտից է բաղկացած «Պեր Գյունտը»:
- ◆ Փորձե՛ք «Պեր Գյունտ» սյուիտից ստացած ձեր զգացողություններն արտահայտել նկարով:
- ◆ Միմֆոնիկ ի՞նչ ստեղծագործություններ գիտեք, որոնք գրված են գրական տեքստի հիման վրա:
- ◆ Հայ կոմպոզիտորների ի՞նչ ստեղծագործություններ գիտեք, որոնք հորինված են կերպարվեստի ազդեցությամբ:
- ◆ Ի՞նչ կերպարներ, պատկերներ է ձեր մեջ առաջացնում Ա. Խաչատրյանի «Ջութակի կոնցերտի» երաժշտությունը: Նկարե՛ք:
- ◆ Ոչ ծրագրային սիմֆոնիկ ի՞նչ ստեղծագործություններ եք լսել:

ԿԱՐՈՂ ԵՔ ԱՐԴՅՈՔ «ԼՍԵԼ» ՆԿԱՐԸ

Գիտեք XVII դարի իտալացի գեղանկարիչ Կարավաջոյի «Վինահարը» նկարը: Անհնար է, որ ձեր մտքում երաժշտություն չհնչի:

Չսայած նկարը որոշակի երաժշտություն չի հնչեցնում, սակայն պատկերված նվագարանը և ոգեշնչված նվագողը երաժշտություն հնչեցնելու պատրաստ են առաջացնում, որն անվանում են նկարը «լսելու» զգացողություն:



Ունկնդրեք

Լսե՛ք «Մայրաբերդ» իրապական ժողովրդական պարային երաժշտությունը վին նվագարանի կարամամբ: Պարում են զույգերով, թեթև թռիչքներով:

ԱՆՏՈՆԻՈ ՎԻՎԱԼԴԻ (1678–1741)

XVIII դարի իտալացի կոմպոզիտոր Անտոնիո Վիվալդին եղել է հրաշալի ջութակահար, դիրիժոր ու մանկավարժ: Գրել է շուրջ 40 օպերա, կանտատներ, օրատորիաներ, սիմֆոնիաներ:

Նրա սիրելի ժանրերից մեկը կոնցերտն է: Տարբեր նվագարանների և նվագախմբերի համար գրել է 465 կոնցերտ, այդ թվում՝ ջութակի չորս կոնցերտներից կազմված հանրահայտ «Տարվա եղանակները» շարքը: Իտալիան երաժշտական երկիր է: Իտալացիները շատ գեղեցիկ երգեր ունեն և սիրում են երգել:



Անտոնիո Վիվալդի
(1678–1741)



Ունկնդրեք

Ունկնդրեք հասված Անտոնիո Վիվալդիի «Տարվա եղանակները» շարքից: Բնչ զգացողություն ունեցաք: Համեմատեք վինոլ հնչած երաժշտությունը և նկարը: Արտահայտեք ձեր կարծիքը:



*Արա Բաղդասարյան.
«Աշնանային տեսարան»*



Ունկնդրեք

Սովորեք «Մանա, չա՛ն» երգը:

Կատարեք

*Փորձե՛ք «Մանա, չա՛ն» երգը կատարել երկ-
ձայն՝ ռիթմական նվագակցությամբ:*

ՄԱՄԱ, ՉԱ՛Ն

Իրալական ժողովրդական երգ

Հայերեն խոսքը՝ Ա. Բաղդասարյանի

Արթնացա ես առավոտյան վաղ,
Մա՛նա, չա՛ն, մա՛նա, չա՛ն,
Մա՛նա, չա՛ն, չա՛ն, չա՛ն,
Արթնացա ես առավոտյան վաղ,
Անտառի մեր ճամբարում:

Բորբ արևն է մով երկնքում ջինջ,
Մա՛նա, չա՛ն, մա՛նա, չա՛ն,
Մա՛նա, չա՛ն, չա՛ն, չա՛ն,
Բորբ արևն է մով երկնքում ջինջ,
Սարն իր գիրկն է մեզ կանչում:

Երգային, հանդարտ
mf

Արթ - նա - ցա ես ա - րա - վո - ր - յա - ն վաղ, Մա՛ - մա,
չա՛ն, մա՛ - մա, չա՛ն, Մա՛ - մա, չա՛ն, չա՛ն, չա՛ն, Արթ - նա -
ցա ես ա - րա - վո - ր - յա - ն վաղ, Ան - տա - ռի մեր ճամ - բար -
ում:
1. Արթ - նա - // - բում:
2. Ա - րևն

Հարցեր և առաջադրանքներ

- ♦ Ո՞վ է «Վինահարը» նկարի հեղինակը:
- ♦ «Տարվա եղանակները» ստեղծագործությունից լսած հատվածը տարվա ո՞ր եղանակն է ձեզ հիշեցնում: Փորձե՛ք նկարել:
- ♦ Վին նվագարանին նայելիս ի՞նչ երաժշտություն է ձեր մեջ հնչում: Փորձե՛ք երգել:

Աշխատանքի ժամանակ ես միշտ երգում եմ՝ երբեմն հենց այնպես ինչ-որ բան, իսկ ժամանակ առ ժամանակ՝ ժողովրդական երգ կամ օպերայի արիա: Երգելն օգնում է, սրտեղծում ներքին կենսորոնացում, հայրուկ փրամադրություն, ռիթմ: Սա, իհարկե, շատ անհասկանալի է, բայց այսպես է լինում համարյա միշտ: Չէ, հնարավոր չէ ասպրեղ առանց երաժշտության:

Մ. Սարյան

ՇԱՐՈՒՆԱԿԵՔ ԵԿԱՐԻ ՄԵՋ «ԼՍԵԼ» ԵՐԱԺՇՏՈՒԹՅՈՒՆ

Եկարելու ժամանակ նկարիչները հաճախ երաժշտություն են լսում, որը ոգեշնչում է նրանց:

Երբեմն նկարին նայելիս զգում ես, որ նկարը բոլորովին էլ անձայն չէ, և ոչ միայն տեսնում ես նկարը, այլև «լսում» ես նրա «երաժշտությունը»:

Ամեն նկար ունի իր երաժշտությունը: Ամեն երաժշտություն ունի իր նկարը:



Ունկնորեք

Դիտե՛ք «Հորովել» նկարը և ունկնորե՛ք Կոմիտասի «Կալի երգը»: Փորձե՛ք կապ փեսանել նկարի և հնչող երգի միջև:



Մ. Սարյան.
«Արագած» («Հորովել»)

Ուշադիր դիտե՛ք Արա Բաղդասարյանի «Արարատ» նկարը: Հնարավոր է, որ ձեր մտքում արթնանա և հնչի Աշոտ Սաթյանի «Ես իմ անուշ Հայաստանի» երգը, որին ծանոթ եք 4-րդ դասարանից:

Այսպիսով՝ նկարը լուռ երաժշտություն է, իսկ երաժշտությունը՝ անտեսանելի, երևակայական նկար:



Ունկնդրե՛ք «Ես իմ անուշ Հայաստանի» երգը:

Ունկնդրե՛ք

*Արա Բաղդասարյան.
«Արարատ»*



Հարցեր և առաջադրանքներ

- ◆ Պատմե՛ք Մ. Սարյանի և Կոմիտասի ստեղծագործություններից ստացած ձեր տպավորությունները:
- ◆ Բնության տեսարանները ձեր մեջ երաժշտության ի՞նչ զգացողություն են առաջացնում:
- ◆ Ովքե՛ր են «Ես իմ անուշ Հայաստանի» երգի հեղինակները:

ՆԿԱՐԻ ԿԵՐՊԱՐՆԵՐԸ ԵՐԱԺՇՏՈՒԹՅԱՆ ՄԵՋ

Հաճախ կերպարվեստի ստեղծագործությունների ազդեցությամբ ծնվում են երաժշտական նոր գործեր: Այդպիսիներից է կոմպոզիտոր Ղազարոս Սարյանի «Հայաստան» սիմֆոնիկ պաննոն: Կոմպոզիտորն այն ստեղծել է իր հոր՝ Մարտիրոս Սարյանի նույնանուն նկարի՝ պաննոյի ազդեցությամբ: Ստեղծագործությունը հարուստ է ոչ միայն երաժշտական արտահայտիչ կերպարներով, այլև բնության երևույթներ, տարբեր իրադարձություններ նկարագրող պատկերներով: Այստեղ կարծես միասնական են դարձել մեծ նկարչի և երաժիշտ որդու մտքերն ու հույզերը: «Հայաստան» սիմֆոնիկ պաննոյի երաժշտությունն ազգային է ու մեզ հոգեհարազատ:

«Հայաստան» սիմֆոնիկ պաննոն չորս մասից բաղկացած պոլիտ է, որի վերջին մասը՝ «Արևոտ օրը», լսել էք 4-րդ դասարանում:

Առաջին մասը կոչվում է «Գառնի», որը դարերի խորքից եկող հեթանոսական տաճարի գեղեցկության ու վեհության գովերգն է:

Երկրորդ՝ «Հին Երևան» մասում նկարագրվում է հին Երևանի պատկերը՝ նեղլիկ փողոցներով, արևելյան շուկայի աղմուկով, դուղուկահարների քաղցրահունչ նվագով:



*Մարտիրոս Սարյան.
«Հայաստան», պաննոն*

«Արարատյան դաշտ» կոչվող երրորդ մասի երաժշտությունն արտացոլում է հայրենի բնության գեղեցկությունը, արևափայլ դաշտերի, քչքչան աղբյուրների, Արարատ լեռան ձյունածածկ գագաթի պատկերները:

Սյուիտի վերջին «Արևոտ օր» մասում իշխում են ժողովրդական տոնախմբության տարերքը, Արարատյան դաշտում աշխատող մարդկանց խանդավառությունը:

Կոմպոզիտոր Ղազարոս Սարյանը խորապես ընկալել է հոր նկարների ոգին և իր տպավորությունները «նկարել» մեկ այլ արվեստի՝ երաժշտության միջոցով: «Հայաստան» սիմֆոնիկ պաննոն աչքի է ընկնում գունային հարուստ երանգներով:

«Հայաստան» սիմֆոնիկ պաննոն լսելուց հետո կրկին դիտելով Սարյանի «Հայաստան» պաննոն՝ նկարն ավելի լավ ենք ընկալում: Թվում է, թե նկարի առանձին պատկերներ միաձուլվել և ամբողջական են դարձել, գույներն ավելի են պայծառացել, կարծես լեռները, հարթավայրերը, ամբողջ բնությունը կենդանացել են: Եվ այս ամենը՝ երաժշտության շնորհիվ, որն օգնեց շարժման մեջ «տեսնել» նկարի «անշարժ» պատկերները:



Կատարեք

Պատմեք «Հայաստան» սիմֆոնիկ պաննոնից և նույնանուն գեղանկարից սրացած ձեր տպավորությունները:



«Հայաստան» պաննոն իր արժանվույն փեղն է գրավել նաև Հայաստանի կոմպոզիտորների միության համերգային դահլիճի պատին:



Սովորեք

*Սովորեք «Կռունկ Հայաստանի» երգը, որը շար-
սիրված է և մեծ տարածում ունի ժողովրդի մեջ,
սակայն հեղինակի անունը չի պահպանվել:*

Կատարեք

*Երգը կատարեք երկձայն: Երկու ձայները սովորե-
րեք առանձին–առանձին, այնուհետև երգեք
միասին:*

ԿՌՈՒՆԿ ՀԱՅԱՍՏԱՆԻ

Դու բարո՛վ եկար, իմ կռո՛նկ,
Ի՞նչ լուր բերիր հայրենիքես,
Խոսի՛ր ինձ հետ ազատորեն,
Կյանքս կնվիրեմ ես քեզ:

Տեսա՞ր՝ մեր փոքրիկ բուրաստան
Վարդ, մելսակ, շուշաններ շատ կան,
Եղեմական դրախտավայր,
Դա կոչվում է մայր Հայաստան:

*Հիշեք՝ երկձայն եր-
գեցողության ժամա-
նակ կատարողները
պետք է լսեն մեկը մյու-
սին, երգեն միաձույլ,
գեղեցիկ ձայնով:*

*«Կռունկ Հայաս-
տանի» երգը քնարա-
կան է: Այն պետք է
երգել արտահայտիչ,
բառերը արտասանել
հստակ, շունչ վերցնել
ֆրազների սկզբին:*



Արա Բաղդասարյան.
«Աշնանային տեսարան»

Ինչ զգացմունքներ և մտապայարկերն են առաջացան ձեր մեջ «Կոունկ Հայաստանի» երգը կատարելուց հետո:

ՆԻԿՈԼԱՅ ՌԻՄՄԿԻ-ԿՈՐՍԱԿՈՎ (1844–1908)

Նիկոլայ Ռիմսկի-Կորսակովը ռուսական երաժշտության դասականներից է, որի արվեստը համաշխարհային ճանաչում է ստացել:

Երաժշտությամբ զբաղվել է մանկուց: Ավարտելով Մանկա Պետերբուրգի ծովային կորպուս–ուսումնարանը՝ ստացել է սպայի կոչում և մասնակցել բազմաթիվ ծովագնացությունների: Սակայն երաժշտության հանդեպ սերը հաղթել է, և նա նվիրվել է կոմպոզիտորական արվեստին:

Ռիմսկի-Կորսակովը 15 օպերայի հեղինակ է, այդ թվում՝ «Հեքիաթ Մալթան թագավորի մասին» և «Ոսկե արաղաղը»՝ ըստ Պուշկինի ստեղծագործությունների, «Չյունանուշիկը»՝ ըստ Օստրովսկու հեքիաթի: Գրել է բազմաթիվ սիմֆոնիկ, կամերային ստեղծագործություններ, ռոմանսներ:

Ունկնդրելով պարսկական «Հազար ու մեկ գիշեր» հեքիաթաշարի հիման վրա գրված «Շահարազադե» սիմֆոնիկ սյուիտի այն հատվածը, որը փոթորկված ծով է պատկերում, կարծես մտովի տեսնում ենք փոթորկից խենթացած ծովի հսկա ալիքները, դրանց դեմ պայքարող անօգնական նավը, լսում ենք կատաղի քանո սուլոցը:

Ծովի թեման հոգեհարազատ է հայ աշխարհահռչակ ծովանկարիչ Հովհաննես Այվազովսկուն: Նա պատկերել է ոչ միայն ծովը տարբեր վիճակներում, տարբեր եղանակների, օրվա տարբեր պահերի, այլև ծովում կատարվող իրադարձությունները՝ նավաբեկություններ, ծովամարտեր:



*Իլյա Ռեպին.
«Ռիմսկի-Կորսակովի
դիմանկարը»*



*Հովհաննես Այվազովսկի.
«Իններորդ ալիք»*

Գիտե՛ք Հովհաննես Այվազովսկու «Իններորդ ալիք» նկարը: Նկարիչը պատկերել է նավարեկման հետևանքով անսանձ տարերքին մատնված, սակայն փրկության հույսը չկորցրած ուժասպառ մարդկանց պայքարն իններորդ՝ ամենաբարձր ալիքի դեմ:



Ունկնդրե՛ք

Գիտե՛ք նկարը և ունկնդրե՛ք Ռիմսկի-Կորսակովի «Շահարազադե» սիմֆոնիկ սյուիտից հատված:

Հարցեր և առաջադրանքներ

- ◆ Ովքե՛ր են Մարտիրոս և Ղազարոս Սարյանները, ի՞նչ գիտեք նրանց մասին:
- ◆ Քանի՞ մասից է բաղկացած «Հայաստան» սիմֆոնիկ պաննոն:
- ◆ Ո՞վ է Ն. Ռիմսկի-Կորսակովը, ի՞նչ ստեղծագործություններ է գրել:
- ◆ Ի՞նչ գիտեք «Շահարազադե» սիմֆոնիկ սյուիտի մասին:
- ◆ Ո՞վ է Հովհաննես Այվազովսկին, ի՞նչ նկարներ նա ունի:
- ◆ «Իններորդ ալիք» ծովանկարը դիտելիս ի՞նչ երաժշտություն եք մտաբերում:

ԹԵՄԱՅԻ ԱՄՓՈՓՈՒՄ

Երաժշտության և կերպարվեստի համար ընդհանուր է կյանքի երևույթների և մարդկային զգացմունքների արտացոլումը: Դրանք, միմյանց լրացնելով ու հարստացնելով, ուժեղացնում են երաժշտության և կերպարվեստի ստեղծագործությունների արտահայտչականությունը, սերմանում գեղեցիկի զգացողություն:

Դուք իմացաք, որ հնչյունների շարժման շնորհիվ նույն երաժշտական ստեղծագործության մեջ հնարավոր է արտահայտել տարբեր տրամադրություններ՝ ուրախություն, տխրություն և այլն: Կերպարվեստն այդ հնարավորությունը չունի: Նկարում բնապատկերները անշարժ են: Սակայն յուրաքանչյուր նկար դիտելիս կարող ես զգալ նկարում արտահայտված տրամադրությունը և այն վերարտադրել երաժշտության միջոցով:



Վարդգես Սուրենյանց.
«Ծաղկակիրներ»



ԵՐԱԺՇՏՈՒԹՅՈՒՆԸ ԹԱՏՐՈՆՈՒՄ ԵՎ ԿԻՆՈՅՈՒՄ

ԵՐԱԺՇՏՈՒԹՅՈՒՆԸ ԹԱՏՐՈՆՈՒՄ

«Թատրոնը» հունարեն բառ է, որը նշանակում է ներկայացում: Թատրոնը միշտ եղել է հայ ժողովրդի սիրած արվեստներից մեկը:

Պատմական տեղեկությունների համաձայն՝ Ք.ա. 69 թ. հայոց թագավոր Տիգրան Երկրորդը Տիգրանակերտում թատրոն է կառուցել և հրավիրել հույն դերասանների: Իսկ Ք.ա. 53 թ. Արտաշատ քաղաքում Արտավազդ Երկրորդը պալատական խնջույքի սրահում հույն դերասանների հետ անձամբ է խաղացել ներկայացումներում: Նա նաև պիեսներ է գրել թատրոնի համար:

Այսօր Հայաստանում գործում են դրամատիկական, տիկնիկային, պատանի հանդիսատեսի, երիտասարդական, երաժշտական կոմեդիայի թատրոնները, որոնք ներկայացումներ ունեն տարբեր տարիքի հանդիսատեսի համար: Այս բոլոր թատրոններում երաժշտությունն իր ուրույն տեղն ունի:

Երաժշտական կոմեդիայի թատրոնում դերասանները և՛ խոսում են, և՛ երգում, անհրաժեշտության դեպքում՝ նաև պարում: Երաժշտական հատվածներում նրանց կարող է նվագակցել սիմֆոնիկ նվագախումբը: Հայաստանում առաջին պետական դրամատիկական թատրոնը հիմնադրվել է 1921 թվականին և ստացել ականավոր գրող, դրամատուրգ Գաբրիել Սունդուկյանի անունը:

Թատրոնը նույնպես ունի իր լեզուն և արտահայտչամիջոցները: Դրանք են խոսքը, դերասանական խաղը, շարժումների պլաս-



Արամ Խաչատրյան.
«Դիմակահանդես»

տիկան, մնջախաղը, դիմախաղը, գրիմը, բեմական հագուստը, լույսը, դեկորները և այլն: Թատրոնը համատեղ ստեղծագործական աշխատանք է, որին մասնակցում են գրողը (դրամատուրգը), ռեժիսորը, դերասանը, նկարիչը, կոմպոզիտորը և այլն: Թատրոնում գրական տեքստը կոչվում է պիես:

Երաժշտությունը յուրօրինակ դերակատարում ունի դրամատիկական թատրոնում և կինոյում:

Թատրոնում առաջնայինը խոսքն է: Երաժշտությունն օգնում է ռեժիսորին իրականացնելու իր մտահղացումները: Երաժշտությունը ներգործում է նաև հանդիսատեսի վրա, առաջացնում հուզական վերաբերմունք բեմում կատարվող գործողությունների նկատմամբ: Չուվելով ներկայացման բովանդակությանը և գործողությանը՝ միասնական տրամադրություն է ստեղծում դերասանի և հանդիսատեսի համար:



Ունկնդրե՛ք «Նինայի ռոմանսը» և «Վարդ» Լեւոնույրովի «Դիմակահանդես» դրամայի համար Արամ Խաչատրյանի գրած երաժշտությունից:

Ունկնդրե՛ք

Լսելով «Նինայի ռոմանսը»՝ դուք կզգաք, թե որքան թախժոտ է այդ երաժշտությունը: Բնութագրելով գլխավոր հերոսուհուն՝ ազնիվ,



Միխայ Զիչի.
«Պարահանդես»

բարի Նինային, ռոմանսը մինևույն ժամանակ արտահայտում է նրա անհանգստությունը, հոգեկան տագնապը:

«Վալսը» պարահանդեսի տեսարանից է, արտահայտում է պարողների ուրախ իրարանցումը, խելահեղ, անզուսպ զվարճանքը: Այն ավելի է ընդգծում Նինայի տագնապահույզ հոգեվիճակը: Նինան հենց պարահանդեսի սրահում կորցնում է ամուսնու նվիրած ապարանջանը, որը ողբերգության առիթ է դառնում: Եթե ուշադիր լսեք, վալսի երաժշտության մեջ կզգաք վերահաս հուզմունքն ու տագնապը:

1961 թվականին Սունդուկյանի անվան թատրոնը բեմադրեց ամերիկահայ ականավոր գրող Վիլյամ Մարոյանի «Իմ սիրտը լեռներում է» պիեսը: Բեմադրության ռեժիսորը Վարդան Աճեմյանն էր, իսկ երաժշտության հեղինակը՝ կոմպոզիտոր Առև Բաբաջանյանը:

Ներկայացումն ընթանում էր առանց ընդմիջումների. այդպես էր կամեցել հեղինակը: Նա ասում էր. «Մա երգ–ներկայացում է, իսկ երգն ինչպե՞ս կընդմիջվի»: Մարոյանը նկատի ուներ պիեսի բովանդակության՝ երգի նման նուրբ «հյուսվածքը», գործողությանը բանաստեղծական շունչ հաղորդող քնարական տրամադրությունը:

Բաբաջանյանի գրած երաժշտությունը ոչ միայն հուզական մեծ լիցք է հաղորդում գործողությանը, այլև դառնում է ներկայացման գլխավոր «հերոսներից» մեկը: Երաժշտությունը և մանավանդ «Իմ սիրտը լեռներում է» երգ–մեղեդին օգնում են պատմել մի հուզիչ պատմություն, թե ինչպես է դառը ճակատագիրը բարի մարդկանց գաղթական դարձրել և նետել հեռավոր Ամերիկայի ափերը: Հայուհի ծեր Մարեի ընտանիքը և նրանց լավ բարեկամ, շոտլանդացի տարեց շեփորահար Մաք–



Վիլյամ Սարոյան.
«Իմ սիրտը լեռներում է»

Գրեգորը մաքառում են կյանքի դժվարությունների դեմ և տառապում իրենց հայրենիքի կարոտից: Նրանց միավորում են հոգու մաքրությունը և հայրենիքի կարոտը: Չսայած նրանք հայտնվել են օտար երկրի տակ, սակայն իրենց սրտերը թողել են հայրենի լեռներում: Այդ մասին է շոտլանդական երգը, որը շեփորով նվագում էր Մաք–Գրեգորը:



Ունկնդրեք

Ունկնդրեք Ա. Բարաջանյանի շոտլանդական երգը և ուշադրություն դարձրեք, թե հայ կոմպոզիտորը ինչպես է կարողացել շոտլանդական ժողովրդական երաժշտության ոգով այնպիսի երգ սրբեղծել, որ հոգեհարազատ լինի և՛ հային, և՛ ամերիկացուն, և՛ ֆրանսիացուն:

Հարցեր և առաջադրանքներ

- ◆ Ի՞նչ արվեստ է թատրոնը: Ի՞նչ է նշանակում «թատրոն» բառը:
- ◆ Հայաստանում գործող ի՞նչ թատրոններ գիտեք:
- ◆ Ի՞նչ դեր ունի երաժշտությունը թատրոնում:
- ◆ Ո՞վ է Լեոնիդ Կոնյալովի «Դիմակահանդես» դրամայի երաժշտության հեղինակը:
- ◆ Ո՞վ է գրել Վիլյամ Սարոյանի «Իմ սիրտը լեռներում է» պիեսի ներկայացման երաժշտությունը:
- ◆ Թատերական ի՞նչ ներկայացումներ եք դիտել:

ԵՐԱԺՇՏՈՒԹՅՈՒՆԸ ԿԻՆՈՅՈՒՄ

Կինոն հունարեն «կինեմա» բառից է, որը նշանակում է շարժում: Այն «շարժվող նկարների» տեսալսողական արվեստ է, ստեղծվել է 1895 թ. և կապված է ֆրանսիացի գյուտարարների Օգյուստ և Լուի Լյումիեր եղբայրների անվան հետ:

Մկզբում կինոն եղել է «համր»՝ առանց ձայնի: Էկրանի վրա երևացել են միայն շարժվող պատկերներ, իսկ 1930 թվականից կինոն դարձել է հնչյունային:

Կինոն ընդգրկում է արվեստի մեծ ընտանիքի անդամներին՝ գրականություն, երաժշտություն, պարարվեստ, կերպարվեստ և թատրոն:

Երաժշտությունը միշտ եղել է կինոյի անբաժան մասը: Դեռ համր կինոյի ժամանակներում շարժվող պատկերներն ուղեկցվել են երաժշտությամբ. կինոսրահում ցուցադրմանը զուգահեռ նվագել է դաշնակահարը՝ ընտրելով կինոնկարի բովանդակությանը և բնույթին համապատասխան երաժշտություն:

Հայաստանում առաջին համր կինոնկարը ստեղծվել է 1925 թվականին: Դա Ալեքսանդր Շիրվանզադեի «Նամուս» վեպի հիման վրա նկարահանված համանուն կինոնկարն է:

Այսօրվա կինոն դժվար է պատկերացնել առանց երաժշտության, որի հնչյունները, միավորվելով կինոյի պատկերներին, ոչ միայն հուզական երանգ են տալիս կատարվող իրադարձություններին, որոշակի տրամադրություն ստեղծում, այլև բնութագրում են հերոսներին, կենդանություն տալիս նրանց կերպարներին, գործողությունները դարձնում ավելի արտահայտիչ ու տպավորիչ:

Եթե կինոնկար դիտելիս երաժշտությամբ ուղեկցվող հատվածում մի պահ անջատեք ձայնը և դիտեք միայն շարժվող պատկեր-

ները, կտեսնեք, որ կինոնկարը կկորցնի հետաքրքրությունը:

Կինոնկարի ստեղծմանը մասնակցում են սցենարի հեղինակը, ռեժիսորը, օպերատորը, կոմպոզիտորը, նկարիչը, բալետմայստերը, դերասանները և այլք:

Հայկական առաջին հնչյունային կինոնկարը «Պեպոն» է, որը նկարահանվել է 1935 թվականին Գարրիել Մունդուկյանի համանուն կատակերգության հիման վրա: Նվիրված է թիֆլիսաբնակ հայերի կյանքին ու բարքերին, մասնավորապես չքավոր ձկնորս Պեպոյի և նրա ընտանիքի ու ընկերների՝ զրկանքներով լի կյանքին:

Կինոնկարի բեմադրող ռեժիսորն է Համո Բեկնազարյանը, երաժշտության հեղինակը՝ Արամ Խաչատրյանը:

Կոմպոզիտորը կինոնկարի համար կարողացել է ստեղծել վառ ազգային և արտահայտիչ երաժշտություն, որն արտացոլում է ժամանակի իրական պատկերը, հայերի կենցաղը, սպրելակերպը, մարդկանց փոխհարաբերությունները: Աղքատ մարդկանց բնութագրելու համար Ա. Խաչատրյանը դիմել է ժողովրդական երգերին ու պարերին ժողովրդական նվագարանների՝ շվիի, դուդուկի, սազի, թառի, քամանչայի, դիոլի կատարմամբ: Իսկ գոռոզ, իբր եվրոպական կենսաձևին հետևող, անազնիվ ճանապարհով հարստացած Զինգիմովին և նրա նման մարդկանց բնութագրելիս կոմպոզիտորն օգտագործել է եվրոպական պարային ձևերը՝ վալս, պադեսպան, պոլկա, որոնք կինոնկարում ծաղրական երանգ են ստացել:

Արամ Խաչատրյանը երաժշտություն է գրել բազմաթիվ այլ կինոնկարների համար՝ հայկական «Զանգեզուր», ռուսական «Մտալինգրադյան ճակատամարտը», «Ծովակալ Ռոշակով», «Օթելլո» և այլն:



Դրվագ «Պեպո» կինոնկարից.
Պեպո — Հրաչյա Ներսիսյան



Ունկնդրե՛ք

Ունկնդրե՛ք, ապա սովորե՛ք «Պեպոյի երգը»: Փորձե՛ք զգալ և ձիշտ արտահայտել երգի տրամադրությունը: Երգե՛ք անկաշկանդ, հնչե՛ղ ձայնով:

ՊԵՊՈՅԻ ԵՐԳԸ

Դամբը ձեռիս ջուրն եմ մտնում,
Ձեռս, ոտս թաց է լինում,
Հալալ արյուն-քրտինք թափիմ,
Քիրս ու դեղիս լաց ին լինում:

Դամբը ձեռիս աշխատում եմ,
Հալալ աշխատանքս իմ ուտում,
Վայ էն մարդին, ով աշխարհքում
Խալխի դատած հացն է ուտում:

Հալալ մարդու սիրտն է ուրախ,
Ճակատը միշտ թաց է ըլլում,
Վայ էն մարդին, վուր համ գջլում*,
Համ էլ անկուշտ լաց է ըլլում:

* Գջլել — խլել

ՊԵՊՈՅԻ ԵՐԳԸ

Խոսք՝ Ե. Չարենցի
Երաժշտ.՝ Ա. Խաչատրյանի

Չափավոր

Դամբ-ըր ձե-ռիս ջուրն եմ մըր-նում,
 Ձե-ռու, ո-տս, n-պրս թաց է լի-նում,
 Հա-լալ ար-յուն - քրր - րտինք թա-փիմ,
 Քիրս ու դե-ղիս լաց ին լի-նում:



Ունկնդրե՛ք

Ունկնդրե՛ք «Պաղեսպան», «Պոլկա»
և «Վայա» պարերը:

ԽԱՉԲԱՌ

1						
4						
					5	
	6					2
3						



Գրվագ «Պեսյո» կինոնկարից.
Դարչո — Համբարձում Խաչանյան

1. Հայ գրող, որի վեպի հիման վրա նկարահանվել է Հայաստանում առաջին համր կինոնկարը:
2. Արվեստի տեսակ, որն անվանում են լսողական, ժամանակային:
3. Ալեքսանդր Շիրվանզադեի վեպը:
4. Արամ Խաչատրյանի բալետը:
5. Արվեստի տեսակ, որն անվանում են տեսողական, տարածական:
6. «Անուշ» օպերայի հեղինակը:

Հարցեր և առաջադրանքներ

- ◆ Արվեստի ինչպիսի՞ տեսակ է կինոն: Պատմե՛ք կինոյի մասին:
- ◆ Ինչպիսի՞ն է եղել կինոն սկզբնական շրջանում:
- ◆ Ի՞նչ դեր է կատարում երաժշտությունը կինոյում:
- ◆ Դիտե՛ք «Պեսյո» կինոնկարը և պատմե՛ք ձեր տպավորությունները ֆիլմի ու երաժշտության մասին:



*Դովլագ «Անահիտ» կինոնկարից.
Անահիտ — Մ. Մխննյան,
Վաչագան — Ֆ. Դովլաթյան*

Կոմպոզիտոր Աշոտ Սաթյանը նույնպես երաժշտություն է գրել կինոնկարների համար, վարպետորեն արտահայտել կինոնկարի հերոսների տրամադրությունը, իրադարձությունների և դրվագների էությունը: Նրա կինոերաժշտությունում երգն առանցքային տեղ է գրավում: Օրինակ՝ «Արարատյան դաշտի աղջիկը» ֆիլմն անվանում են երգ-կինոնկար, քանի որ երգերը հնչում են ամբողջ ֆիլմի ընթացքում:

Ղազարոս Աղայանի «Անահիտ» հեքիաթի հիման վրա նկարահանված կինոնկարի երաժշտությունը նույնպես գրել է Աշոտ Սաթյանը (ռեժիսոր՝ Համո Բեկնազարյան, 1947 թ.): Հեքիաթի և ֆիլմի բովանդակության հիմքում գեղջկուհի Անահիտի և հայոց թագավոր Վաչագանի սիրո պատմությունն է և այն գաղափարը, որ բարդ իրավիճակներում յուրաքանչյուր մարդու՝ լինի թագավոր թե ուսմիկ, փրկությունը որևէ արհեստի տիրապետելն է:

Աշոտ Սաթյանի կինոերգերը այսօր էլ շատ սիրելի են: Դրանցից են «Մարտիկի երգը», «Արարատյան դաշտի երգը», «Խաղողաքաղը» և «Ես իմ անուշ Հայաստանի» երգը:



Ոնկնորէք

Ոնկնորէք Աշոտ Սաթյանի երգերը:



Սովորէք

Սովորէք «Հզոր բանակ» երգը: Աշխարէք արտահայտել երգի տրամադրությունը: Երգը կարարէք երկծայն:

ՀԶՈՐ ԲԱՆԱԿ

Խոսք՝ Հ. Շիրազի
Երաժշտ.՝ Ա. Սայթյանի

Քայլերգային

Հա-յաւ - րաւ-նի սա - րե - ռի պէս Թի-կունք
ու - նես, հը - զո՛ր բա - նակ, Ոչ մի
ն - սոխ չի հաղ - թի քեզ, Մեր հաղ -
թաւ - կան հը - զո՛ր բա - նակ: Դո՛ւ մեր
փոք - կիչ, մեր ա - րաւ - վեն, Խաւ - վա -
րի դե՛մ փառ ա - րե - գակ, Չար թըշ -
նաւ - միք որ - քան դա - վեն, Դո՛ւ ան -
խոր - րակ, հը - զո՛ր բա - նակ:

Հայաստանի սարերի պէս
Թիկունք ունես, հզոր բանակ,
Ոչ մի ոտխ չի հաղթի քեզ,
Մեր հաղթական հզոր բանակ:

Կրկներգ

Դու՛ մեր փրկիչ, մեր ապավեն,
Խավարի դեմ վառ արեգակ,
Չար թշնամիք որքան դավեն,
Դու՛ անխորտակ, հզոր բանակ:

Նորից պիտի քո գրահով
Ծաղկի երկրի հողն ապահով
Հավերժական արևի տակ,
Անմահ կրակ, հզոր բանակ:

Կրկներգ

Դու՛ մեր փրկիչ...

Կատարեք

*Պատմե՛ք Աշուր Սաթյանի երաժշտությունից
սրացած ձեր փրկավորությունները:*

*Դրվագ «Նվագախմբի
տղաները» կինոնկարից*



«Նվագախմբի տղաները» հանրահայտ կինոնկարի երաժշտության հեղինակը հայ կոմպոզիտոր Գևորգ Արմենյանն է: Ռեժիսորներն են Հենրիկ Մալյանը և Հենրիկ Մարգարյանը: Այս կինոնկարում հիմնական հերոսները զինվորական նվագախմբի երաժիշտներն են: Նվագախմբի ամենակրտսեր անդամը՝ «գնդի որդի» Ճուտոն, հորինում է



մի մեղեդի և սկսում է սուլել: Նվագախմբի տղաներին դուր է գալիս Ճուտոյի մեղեդին: Այն զարգանալով և մշակվելով՝ վերջում դառնում է հանդիսավոր, հաղթական, գեղեցիկ քայլերգ:

Այս կինոնկարի երաժշտությունը շատ սիրված է, իսկ քայլերգն այսօր էլ հնչում է տարբեր հանդիսությունների ժամանակ:



Ունկնդրե՛ք «Նվագախմբի փղաները» կինոնկարի երաժշտությունից երկու հարված՝ «Քայլերգը» և «Տրնգին»:

Ունկնդրե՛ք

Հարցեր և առաջադրանքներ


- ◆ Կոմպոզիտոր Աշոտ Սաթյանի ո՞ր երգերը գիտեք:
- ◆ Ո՞վ է «Նվագախմբի տղաները» կինոնկարի երաժշտության հեղինակը:
- ◆ Ո՞վ է Ա. Խաչատրյանի «Պեպոյի երգի» խոսքերի հեղինակը:
- ◆ Պատմե՛ք ձեր դիտած կինոնկարների երաժշտության մասին:
- ◆ Ի՞նչ երգեր գիտեք կինոնկարներից: Երգե՛ք:
- ◆ Տեսային դիտման համար ձե՛ռք բերեք «Հայֆիլմ» կինոստուդիայում նկարահանված կինոնկարների «Ոսկե հավաքածուն» (DVD) և դիտե՛ք ձեր ընտանիքի անդամների հետ: Հայկական ո՞ր կինոնկարն էք ամենաշատը սիրում: Ի՞նչո՞ւ:

ԹԵՄԱՅԻ ԱՄՓՈՓՈՒՄ

Թատրոնում և կինոյում երաժշտությունը կարևոր դերակատարում ունի: Արվեստի տեսակները, միմյանց լրացնելով, հանդիսատեսի մեջ առաջացնում են որոշակի զգացմունքներ, հույզեր, հիշողություններ ու մտքեր: Թատրոնը և կինոն ներգործում են հանդիսատեսի սրտի և մտքի վրա:

Թատրոնում և կինոյում հանդիսատեսի ու դերասանների միջև ստեղծվում է ներքին երկխոսություն, հոգևոր մտերմիկ կապ. նրանց հետ դուք ուրախանում եք, ծիծաղում, տխրում, հուզվում: Մեծ է թատրոնի և կինոյի ներգործության ուժը:

ԽԱՉԲԱՌ



1. «Անահիտ» կինոնկարի երաժշտության հեղինակը:
2. «Արշակ Երկրորդ» օպերայի հեղինակը:
3. Հայ դասական երաժշտության հիմնադիրը:
4. Ռ. Մելիքյանի «Պսակ-պսակ» երգի խոսքերի հեղինակը:
5. Հայ անվանի նկարիչ, «Հայոց այբուբեն» գորելենի հեղինակը:
6. Հայ անվանի կոմպոզիտոր, «Հայաստան» սիմֆոնիկ պաննոյի հեղինակը:
7. Հայ աշխարհահռչակ ծովանկարիչ:
8. «Նվագախմբի տղաները» հանրահայտ կինոնկարի երաժշտության հեղինակը:

Եթե ձեր գրներ պարտախանները, սպա ուղղահայաց կկարդաք «Անուշ» պոեմի հեղինակի ազգանունը:

ՀԱՎԵԼՎԱԾ

ՕՐՈՐՈՑԱՅԻՆ

(«Հայրենիք» կանտատից)

Խոսք՝ Սարգսյանի, Ա. Գրաշու
Երաժշտ.՝ Ա. Հարությունյանի

Աշակերտ Դ-անդառ, հանգիստ

p

Նրն ջի՛ր, նրն - ջի՛ր, իմ լո՛յս ման - կիկ, Գի-շեր
Նրն-ջի՛ր սն - հոգ, իմ լո՛յս ման - կիկ, Օ-րոր

է որր - սում, Դու նոր բաց - ված սա - թի՛
եմ ա - սում, Ասր-դերն ինձ հեր քեզ, ա-

ծա - դիկ, Հոգ - յա՛կ սի - բա - սում: Վերջ

Աշխույժ նու - շի՛կ, Օ - թոր են ա - սում:

mf

Մեր փո-դո - ցում քրն-քուշ նա - գով Առ-վակն է հո -
սում, Ա-ճի՛ր, խրն - դա՛, իմ ա-նու - շի՛կ, Ա-գար աշ - խար -
հում: Լաց մի՛ լի-նիր, կարմ-բա-թու - շիկ, Հոգ-յա՛կ սի-բա -
սում, Ա-ճի՛ր, խրն - դա՛, իմ ա-նու - շի՛կ,
Ա-գար աշ - խար - հում: Մկաբից մինչև «Վերջ» բառը:

ՔԱՄԱՆՉԱ

Սայաթ-Նովա

Չափավոր

Ա-մէն սա-գի մէ-ջըն գո-ված, դուն թա-մամբ Կասն
խ, քա-ման-չա', Նա-քազ մարթ քիզ չի կա-նա Կես - նի'
դուն նը - րա Կասն խ, քա-ման-չա', Ղանդ ա-րա՛ էլ
լալ օ - ռե - ըու է - դի-վըն հաս - նիս, քա - ման - չա',
Քիզ ինձ - նից ո՛վ կա - նա խը - լի'
ա - շու - դի քան խ, քա - ման - չա':

ՊՍԱԿ-ՊՍԱԿ

Խոսք՝ Հ. Աղաբաբի
Երաժշտ.՝ Ռ. Մելիքյանի

Չափավոր

Պը-սակ, պը-սակ, Կիկ-նի պը-սակ, Փե-սան ե - կալ՝
լի-քը քը-սակ: Պը-սակ, պը-սակ, Կիկ-նի պը սակ, Փե-սան ե - կալ՝

լի - քը քը-սակ: Տիր - նա-նի-նե՛, տիր - նա-նի-նե՛,
 Զոռ-նի ձե - նը զե - դով մին է: Տիր - նա-նի-նե՛,
 տիր - նա-նի-նե՛, Զոռ-նի ձե - նը զե - դով մին է:

ՊԱՏԳԱՄ ՈՐԴՈՒՄ

Խոսք՝ Ս. Կապուրիկյանի
 Երաժշտ.՝ Ռ. Պետրոսյանի

Քայլերգային

Լը-սի՛ր, որ - դի՛ս, տար-գամ որ -
 պես Սի-րող քո մոր խոս-քը սրբ - ասնց, Այս - օր - վա -
 նից հանձ-նում եմ քեզ Հա-յոց լե - գնն հա-զա-րա -
 քանձ: Կրթ-րել է նա, հանց սար-դա - լոյս, Եր-կինք-նե -
 րը ժա-մա - նա - կի, Շա - նա - չեղ է խը - ոռ - վա -
 հույզ Սը-լաց - քի հեղր հայկ-յան նե - տի:

ԳԱՐՆԱՆ ԿԱՐՈՏ

Խոսք՝ Օվերբեկի
Թարգմ.՝ Մ. Միրզայանի
Երաժշտ.՝ Մոցարտի

Ուրախ

Ա - ըհ', մա-յիս, ա - ըհ', թող պու -
 ռա - կը կա - նա - չի, Առ - վի խո-խո - ջի
 ռա - կը կա - նա - չի, առ - վա - կի
 պակ մա-նու - շա - կը թող - բո - ջի, Ես
 պակ մա-նու - շա - կը թող - բո - ջի.
 Ինչ սի-բով կու - գե - ի կա - պույր մա - նու - շակ քա -
 կա - պույտ մա - նու - շակ քա -
 ղեկ Եվ ինչ - սի-սի՛ գնայ - լան - թով մար -
 ղեկ, մար -
 ղե - ըհ մեջ գրոս - նեկ:
 ղե - ըհ մեջ գրոս - նեկ:

ԿՌՈՒՆԿ ՀԱՅԱՍՏԱՆԻ

Չափավոր

Դու քա - ռո՛վ ե - կար, իմ կը - ռո՛նկ,
 Ի՞նչ լուր քե - ռիր հայ - ըե - նի - քես,
 Խո - սի՛ր ինձ հետը ա - զա - զո -
 ընն, կյան - քըս կը - նը - վի - ըեմ ես քեզ:
 Վերջավորություն
 Ե - ղե - մա կան ղը - րախ - զու - վայր, Դա կոչ -
 վում է մայր Հա - յա - զան:

ՎԱՐԴԸ

Հանդարտ

p

Խոսք՝ Գյոթեի
 Թարգմ.՝ Հ. Թումանյանի
 Երաժշտ.՝ Ռ. Մելիքյանի

Փոք - ըիկ տը - դան մի վարդ փե - սավ,
 Տե - սավ մի վարդ դաշ - փի մի - ջին,

Վար - դը րե-սալ, ու - թա-խա-ցալ, Մո-րիկ վա -
 զեց սի - թուն վար - դին, Սի-րուն վար -
 դին, Կար-միր վար - դին, Կար-միր
 վար - դը դաշ-րի մի - ջին: Սի-րուն վար - դին, Կար-միր վար -
 դին, Կար-միր վար - դը դաշ-րի մի - ջին:

ՋԱ՛Ն, ԵՐԵՎԱ՛Ն

Չափավոր արագ
mf

Խոսք՝ Հ. Ղուկասյանի
Երաժշտ.՝ Ա. Արվազյանի

Բո - լո - թին կան - ջում ենք, ե - կե՞ք Ե - թե - վան,
 Օ - դը դու - թե - կան է, ջուրն՝ աւ - մա - հա - կան,
 Դա մի թու-րաս - րան է, ձեզ ա - սենք շի - րակ,



Մեր Մա-սիս-նե - ռի սուրբ, վառ հա-յազ-քի սակ:



Հե՛յ ջան, Ե - ռե - վա՛ն, հա - յա -



յազ օր - լան, Հե՛յ ջան,



հե՛յ ջան, դու իմ Ե - ռե -



վա՛ն: Հե՛յ ջան, հե՛յ



ջան, դու իմ Ե - ռե - վա՛ն:

Բոլորին կանչում ենք, եկե՛ք Երևան,
Օդը դուրեկան է, ջուրն՝ անմահական,
Դա մի բուրաստան է,
ձեզ ասենք շիտակ,
Մեր Մասիսների սուրբ, վառ
հայացքի տակ:

Հե՛յ ջան, Երևա՛ն,
հարազատ օրրան,
Հե՛յ ջան, հե՛յ ջան, դու իմ Երևա՛ն:

Չի ապրել կյանքում նա,
ով գեթ մի անգամ
Չի տեսել քաղաք, անունը՝ Երևան,
Վարդագույն երազ է, աստղերը վկա,
Ով տեսնի քաղաքը,
էլ հանգիստ չկա:

Հե՛յ ջան, Երևա՛ն,
փառք քո սուրբ անվան,
Հե՛յ ջան, հե՛յ ջան, դու իմ Երևա՛ն:

ԹԻԹԵՌ

Խոսք՝ Վ. Վարդունու
Երաժշտ.՝ Է. Էլբակյանի



1. Թե - վի՛ր թե - թև, Թի՛-թեռ խա - լուր, Թե - թև, սե -
2. Ի - ջի՛ր ծաղ - կին, Նըն - ջի՛ր վը - թան, Ալ ժա - պա -



թև, խա - լուր, ալ - լուր: ձիւ - նը - թան:
վե՛ն Դար - ձիւ նը - թան:




Լա՛, լա՛, լա՛, լա՛, Լա՛, լա՛, լա՛, լա՛, լա՛, լա՛, լա՛,



լա՛, Լա՛, լա՛, լա՛, լա՛, լա՛, Թե -



վի՛ր թե - թև, Թի - թե՛ռ խա - լուր, Թե - թև, սե -



թև, խա - լուր, ալ - լուր: ձիւ - նը - թան:

Թևի՛ր թեթև,	Իջի՛ր ծաղկին,
Թիթե՛ռ խալոտ,	Նսջի՛ր վրան,
Թեթև, սեթև,	Ալ ժապավե՛ն
Խալոտ, ալոտ:	Դարձի՛ր նրան:

ՄԱՐԱԼՈ

Հայկական ժողովրդական
Մշակումը՝ Ա. Փահլևանյանի

Չափավոր

Մա - րա - լո՛, ջա՛ն մա - րա - լո, մա - րա - լո՛,

Մա - րա - լո՛, սա - թի աղ - ջի՛կ մա - րա - լո:

Մա - րա - լո՛, ծա - դիկ ես բա - ղի մի - ջին,
Մա - րա - լո՛, գի - շեր - ցե - ռեկ մի - ս - լար,

Մա - րա - լո՛, մի հար ես թա - ղի մի - ջին:
Մա - րա - լո՛, դու ես իմ խաղի միջին:

Մա - րա - լո՛, ջա՛ն մա - րա - լո, մա - րա - լո՛,

Մա - րա - լո՛, սա - թի աղ - ջի՛կ մա - րա - լո:

Մարալո՛, ծաղիկ ես բաղի միջին,
Մարալո՛, մի հատ ես թաղի միջին:
Մարալո՛, գիշեր-ցերեկ միալար,
Մարալո՛, դու ես իմ խաղի միջին:

Մարալո՛, արև դիպավ սարերուն,
Մարալո՛, կաքավ թռավ քարերուն,
Մարալո՛, առավոտ բարի լուսուն,
Մարալո՛, ես մայիլ եմ քո տեսուն:

Կրկներգ

Մարալո՛, ջան՛ մարալո, մարալո՛,
Մարալո՛, սարի աղջիկ՛ մարալո:

Կրկներգ

Մարալո՛, ջան՛ մարալո, մարալո՛,
Մարալո՛, սարի աղջիկ՛ մարալո:

ԼՆ՝ ԼՆ՝

Չափավոր

Հայկական ժողովրդական
Մշակումը՝ Ա. Փահլևանյանի



Մի ծառ ունեմ հրնդու քաղաք, լն՝ լն՝
Ամեն ճրդին մի-մի ճրազ, լն՝ լն՝



Ճողք ա տվել քաղքերաղք, լն՝ լն՝
Ճրազ գի վր-րեն Մի-նա մա հավք, լն՝ լն՝



Լն՝, լն՝, լն՝, լն՝, լն՝, լն՝, լն՝, լն՝, լն՝, լն՝, լն՝

Մի ծառ ունեմ հրնդու քաղաք, լն՝ լն՝,
Ճողք ա տվել քաղքերաղք, լն՝ լն՝,
Ամեն ճրդին մի-մի ճրազ, լն՝ լն՝,
Ճրազ գի վրեն Մինամա հավք, լն՝ լն՝:

Կրկներգ — Լն՝, լն՝, լն՝...

Արտի միջին կանաչ խոտ ա, լն՝ լն՝,
Ծաղիկները խնկահոտ ա, լն՝ լն՝,
Էրթանք ծաղիկներ քաղելու, լն՝ լն՝,
Քանի Համբարձումը մոտ ա, լն՝ լն՝:

Կրկներգ — Լն՝, լն՝, լն՝...

Կանաչ կանաչը կանչեցեք, լն՝ լն՝,
Կանաչ մեյդանը բացեցեք, լն՝ լն՝,
Աղջիկ-տղա մեյդան կգան, լն՝ լն՝,
Պար ու սեյրանը բացեցեք, լն՝ լն՝:

Կրկներգ — Լն՝, լն՝, լն՝...

ԲՈՎԱՆԴԱԿՈՒԹՅՈՒՆ

Արվեստների փոխկապվածությունը և փոխազդեցությունը	5
Թեմա 1. Երաժշտությունը և գրականությունը	6
Երգ	7
Աշուղական երգ	13
Ռոմանս	15
Կանտատ	19
Օպերա	21
Թեմայի ամփոփում	34
Թեմա 2. Երաժշտությունը և պարարվեստը	35
Երաժշտության և պարի ընդհանրությունը	37
Ինտերվալ	39
Ժողովրդական պար	41
Դասական պար	45
Թեմայի ամփոփում	50
Թեմա 3. Երաժշտությունը և կերպարվեստը	52
Կարո՞ղ եք երաժշտությունը «տեսնել»	54
Շարունակենք ծանոթանալ ինտերվալներին	56
Երաժշտությամբ «նկարված» պատկերներ	58
Շարունակենք երաժշտության մեջ «տեսնել» պատկերներ	59
Կարո՞ղ եք արդյոք «լսել» նկարը	61
Շարունակենք նկարի մեջ «լսել» երաժշտություն	64
Նկարի կերպարները երաժշտության մեջ	66
Թեմայի ամփոփում	71
Թեմա 4. Երաժշտությունը թատրոնում և կինոյում	72
Երաժշտությունը թատրոնում	72
Երաժշտությունը կինոյում	76
Թեմայի ամփոփում	84
ՀԱՎԵԼՎԱԾ	85
Օրորոցային	85
Քամանչա	86
Պսակ-պսակ	86
Պատգամ որդուս	87
Գարնան կարոտ	88
Կռունկ Հայաստանի	89
Վարդը	89
Ջան, Երևան	90
Թիթեռ	92
Մարալո	93
Լէ, Լէ	94

ՅՈՒՐԻ ՎԱԳԱՐՇԱԿԻ ՅՈՒԶԲԱՇՅԱՆ, ԱԼԻՆԱ ԱՇՈՏԻ ՓԱՀԼԵՎԱՆՅԱՆ

ԵՐԱԺՇՏՈՒԹՅՈՒՆ

5-րդ դասարան

*Դասագիրք 12-ամյա
հանրակրթական դպրոցի համար*

Վերահրատարակություն

Հրատարակչության տնօրեն՝	Էմին Սկրտչյան
Նկարիչ և գեղարվեստական խմբագիր՝	Արա Բաղդասարյան
Տեխնիկական խմբագիր՝	Նվարդ Փարսադանյան
Խմբագիր՝	Գոհար Քալաշյան
Համակարգչային ձևավորումը՝	Արևիկ Հակոբյանի
Նոտաների խմբագրումը և մշակումը՝	Արեգ Լուսինյանի
Համակարգչային նտագրումը՝	Մարիամ Հարությունյանի

ՕԳՏԱԳՈՐԾՎԱԾ ՆԿԱՐՆԵՐ

ՇԱՊԻԿԻՆ՝ Ֆրանս Հալս. «Երգող և նվագակցող տղաները», Ռաֆայել. «Պառնաս»
Էջ 6, 7, 34՝ Հայաստանի ազգային արխիվ, էջ 9, 16, 34՝ Ա. Փահլևանյանի անձնական արխիվ, էջ 10՝
Ֆելիքս Մենդելսոն/James Warren Child, էջ 12՝ Երևանի պատմության թանգարան, էջ 13՝ Հայաստանի
ազգային արխիվ, էջ 14՝ © Հ. Կարապետյան, էջեր 22, 23, 26, 27, 29, 34, 36, 75, 78, 79, 80, 82, 83՝ Սերգեյ
Առաքելյանի անձնական արխիվ, էջ 21՝ © Հ. Կարապետյան, էջ 32՝ © Karl Friedrich Schinkel, էջ 34՝
© Otto Erich/Mozart, էջ 31՝ © Հ. Կարապետյան, էջ 37՝ © Կարեն Ասատրյան, էջ 38՝ © Մ. Դեդեյան, էջ 43՝
© Scanno par Huster, էջեր 47, 59, 73՝ Ա. Խաչատրյանի տուն-թանգարան, էջ 49՝ անհայտ լուսանկարիչ,
էջ 58՝ © Ernst Emil Aubert, էջ 64՝ Մ. Սարյանի տուն-թանգարան, էջ 66՝ © Յ. Յուրբաշյան:

Տպագրությունը՝ օֆսեթ: Չափեր՝ 70x100 1/16
Թուղթը՝ օֆսեթ: Ծավալը՝ 6 տպ. մամուլ
Տառատեսակը՝ «Ասպետ»: Պատվեր՝ 03/Հ-20
Տպարանակը՝ 39 195



ԶԱՆԳԱԿ
ՀՐԱՏԱՐԱԿՉՈՒԹՅՈՒՆ

ՀՀ, 0051, Երևան, Կոմիտասի 49/2, հեռ.՝ (+37410) 23 25 28
Էլ. փոստ՝ info@zangak.am, էլ. կայքեր՝ www.zangak.am, www.book.am
Ֆեյսբուքյան կայքէջ՝ www.facebook.com/zangak